


## KUAÑULIWA <sup>2</sup>

 Ni . . . bile ya liyehile nyana. Nenili ni mutu ya buhali, ya buhali luli, mi se Ni ya fela ka nako yani, kakuli nali ya maswe, maswe luli. Mi ni zamaisize mota kuzwa kwa Michigan, ba litekiso za kapelezo ne ba lizize, ni zeñwi cwalo, kuli nali ya maswe, maswe luli. Cwale, kono likaba fela hande; lika kaufela—lika kaufela li iketile, mi kacwalo li iketile. Mi Mulena hataha, lika kaufela zaba hande kanti, nji cwani? Oh, Ki—Ki yomunde; ka kunahana za bunde bwa Hae ni sishemo sa Hae, kamba seo A talusa ku luna, mi ha ki bunde ni bo bwa milumbeko ya Hae.

Kihande, lu likile kukalisa, ka kubulela kuli lu ka shimba likauhanyo zetalu za makalalelo za buka ya Maefese. Mi Ni sepa luna ni manzwi amalalu amakalelo, kamba lika zetalu za makalelo *zeñwi* cwalo. Ne lu sikaya hahulu fahule, kono mwendi busihu bo lwakona kuya fa pata nyana. Cwale, Ni bata kubulela kuli Ha ni muniti wa Bibebe, ka misipili yemitelele, mane ni kwahule hahulu kwa kuba muniti wa za bulapeli, kono Na—Na lata Mulena, mi Ni lata ku Mu sebeleza mi . . . [Muzwale uambola ni Muzwale Branham—Mu.]

Yomuñwi, ki lika za putako fela, kuli, fela lusika zwelapili kale cwale, musizana yomunyinyani mwa sipatela mwa Louisville, mi licaziba kaufela kaufela ba mu palezwi, wa shwa cwale, mi ukupela kwateni mwana yo. Kakuba Bakreste, ki musebezi wa luna kuinamisa litho za luna, cwale, kwa tapelo.

Mulena luna yomunde, ha ki musebezi waluna fela, kono ki lithohonolo la luna, mi ki takazo yaluna—yaluna kuli luinamise litho zaluna busihu bo kakuba keleke, kakuba sikwata sa sicaba se si bizizwe, lu sicaba se si lumela busihu bo, ku to luta Linzwi la Hao, ka swanelo kuipeya mwa Mubili, ko lu fumaneha, ni ko lukona kubeleka hande ka swanelo hamoho ka kuba mamembala ba Mubili wa Kreste.

<sup>2</sup> Mi cwale li lu bizeza kapili ku Mulimu. Mi mañi ni mañi wa luna bashemi lu nahana ona cwalo, kuli kucwani haiba yani nakaba musizana waluna yomunyinyani, kamo lipilu zaluna litukela mwahala luna, mi luka biza likeleke kuli kapili lube ni tapelo. Ni pilu ya ndate yomuñwi yesweli kucisa, kwa opa. Mulena, mi cwale yena Mutu yomutuna yani Moya o Kenile atahe ona cwale fa kwa pilu ya ndate yani. Zusa muluti kaufela wa ku kakanya, ni kuopa kaufela, mi akone kuziba kuli Wena u Mulimu mi hakuna butuku bobukona kuyema fa pila Kubateni kwa Hae kanti tumo ya Hao ya Bumulimu ishimbilwe ka keleke ya Hao ni sicaba sa Hao.

<sup>3</sup> Mi mane mwahala biki, lwa lapela, kuzwa la Sunda biki yefelile Ni bile ni talimela fa mikwa yani kamba mikwa

ya milapelo ye. Haluna hahulu silwaniso se si lukela kuya ka mo libonela lifasi, kono ona kafwililo kakanyinyani ka kabuhali maswe haiba ka swelwi mwa minwana ya tumelo. O Mulena, litapelo zaluna lifite kwa hae, lifu mwabuse lelisweli kunyendaela fahalimwa mwana yani, mi cwale haiba ye hasana; lififi, mbundu, kwahule ni mbumbeta wa mbututu yani, mbututu yani kamba mwana, musizana yomunyinyani. Mi cwale Liseli lelituna la Kubatani kwa Mulimu kutahe ku yona. Mi cwale hatahe izwe mwa sipatela sani, ali mwana ya iketile.

<sup>4</sup> Mulimu, lu ziba kuli mwabuse fela bwa nuka balatiwa ba luna ba libelezi, mi ha ki kanya ni yeo. Kono lwa lata bana baluna babanyinyani. Mi lwa lapela, Mulena, kuli kwa kanya ya Hao, kuli U bukeleze bupilo bwa mwana yani. Luna, kakuba keleke ya Hao, lu halifela lifu lani, ni kubulela kuli, “Yemela kwahule kafoo. Haukoni kunga mwana yani, kakuli lunga bupilo bwa hae bakeñisa mubuso wa Mulimu.” Lumeleza lika ze, Mulena, kuli liye hande kulibana ni fo ku nongilwe halunze lu li libisa fateni cwalo, ka Libizo la Jesu Krete, Mupulusi waluna. Amen.

<sup>5</sup> Kana lwa lumela nji? Hani zibi sene Ni kaeza haiba Ne ni si Mukreste. Fela hanikoni kutabela kupila hape ni hanyinyani. Hakuna fela sa kupilela, kwanda kueza kuli babañwi ba piliswe, kona fela nto yende ye Ni ziba.

<sup>6</sup> Cwale, busihu bo lubata fela ku kalisa makalelo nyana a tuto yaluna yene lusiile. Mi Ni ka lika kubala, kakuli, kauhanyo kaufela yona, haiba Ni kona busihu bo. Kuli la Sunda kakusasana Ni yo kona ku kasheza mwateni zepeli la Sunda kakusasana ni busihu, haiba seo si lukile, kwa kulika kukena mwa buino bo Ni bata kuli keleke ibone. Oh, ki nto ye kanya fa kufumana sibaka sa hao! Mi hakuna mutu yakona kueza sika kaufela konji haiba wa ziba hande so sweli kueza.

<sup>7</sup> Kucwani hane mu ka ba . . . ni kupazuliwa, mi kuna ni dokota wa mwanana yana sa zo zwa fela kwa sikolo kuli nakaba fela . . . yasika pazula kale fateni. Ibo, nali mwanana mi yomunde, ni milili ya hae neikamunewzi kwa tuko, mi na tinile hande luli, ka bukwala, ni lika kaufela. Mi abulela kuli, “Ni lozize litipa, mi Ni nani ze buhali liitusiso kaufela ni lika zeñwi.” Kono nemukaba ni maikuto nyana ka zani. Kihande ni be ni dokota wa kale yafitile mwa lika za kupazula kwani linako zeñata, mane Ni bata kulipumela. Ni—Ni bata kuziba mutu yomuñwi isiñi yazwa fela kwa sikolo, Ni bata mutu yana ni zibo ya lika.

<sup>8</sup> Mi ya zibisisa hahulu Alimuñwi fela ye Ni ziba, kuli ni punde busihu bo, ki Moya o Kenile. Ki Mufolisi yomutuna wa Mulimu ni Muluti.

<sup>9</sup> Mi sina kukalisa fela kwa Liñusa laka busihu bo, isali le lizwelela ku lani lala Sunda kakusasana, ki leo foo . . . Ne ba hanile Samuele yana nani Linzwi la Mulena; mi ba amuhela Saule, mwana Kishi; mi ba hana Samuele, yana yemela

Moya o Kenile, kakuli na bulela fela sina Moya mo no mu zamaiseza kubulela. Mi aba kupa kuli ba muteeleze, abulela ali, “Muhupule, Ha ni si ka bulela sika sifi kaufela ku mina ka Libizo la Mulena kono kaufela zona Mulena u konisize kuli li ezahale. Mane hape ha Ni si ka zamaya ka bufosi fapila mina. Mi hakuna mutu yakona ku ni tameleza sibi.”

Inge Jesu mwa na bulelezi kuli, “Ki mañi yakona ku Ni nyaza bakeñisa sibi?” Mwabona?

<sup>10</sup> Mi abulela hape, ali, “Hani sika taha ku mina ku to mi kupa masheleñi ni zeñwi cwalo. Hakuna se ni ngile ku mina. Kono kaufela ze Ni nani ali libile za bunde bwa mina, ze Ni mi tiselize kuzwelela mwa mulomo wa Mulena.”

<sup>11</sup> Mi sicaba kaufela sa paka cwalo sali, “Yeo ki niti. Kaufela ki niti, kono niteñi luna lubata kuba ni mulena. Lu bata kuba sina babañwi ba lifasi.”

<sup>12</sup> Cwale, busihu bo, Liñolo la luna li aba Buka ya Maefese, ki Buka ya Joshua ya mwa Testamente Yenca. Ki kuaba ni kubeya hande ka swanelo “bakomi.” Cwale, ki makalelo fela mwa mizuzu yelikani, kuli lube ni sibaka lusika kalisa kubala, lu kalela ni timana ya 3. Cwale, lu fumana cwana kuli la Sunda yefelile busihu. . . Mulimu mwa Testamente ya Kale na sepisize Isilaele naha ya pumulo, kakuli ne ba se ba fetuhile bazamai ni bayambaeli. Mi nebali mwa naha ye ne si ya bona, mi Mulimu aseписа ka Abrahamama kuli na ka yambaela, lusika lwa hae neluka yambaela ka lilimo ze mianda yemine mwahala sicaba sisili, ni ku nyandiswa, kono ka lizoho leli mata Na ka ba lamulela kuli bazwe mi batahe mwa naha ya bunde yebuna mabisi ni linonsi.

<sup>13</sup> Mi, cwale, mi nako ya sepiso ya atumela, Mulimu a zusa mutu yana ka ba kenya mwa naha yani. Ki babakai babali mwa sitopa busihu bo kuli yani neli mañi. . . baba ziba kuli yani neli mañi? Mushe. Mulemuhe, luli, luli ki mufuta wa Alimuñwi wa luna yana filwe kuli alutise mwa Naha ya sepiso, Kreste. Cwale luna ni sepiso, kakuli sepiso yaluna ki Pumulo ya moya, kanti, ya bona neli pumulo ya nama. Mi kacwalo ne ba taha mwa naha yene ba bulela kuli, “Ye ki naha ya luna, ha lu sali bayambaeli ke luina cwale, ye ki naha ya luna, mi mwateni luna ni pumulo. Luka lima mbonyi ya luna, masimu aluna a veine, mi lukana luca veine ya masimu a luna. Mi cwale hase lu shwile, luka isiyela bana ba luna.”

<sup>14</sup> Oh, mo lu lakaleza kuba mwa naha yatani, milao ya kuluwa, inge Naomi ni Ruti, Boazi. Kukutisa zani kaufela. Kuli muzwale mwa Isilaele, kuli mane uswanela. . . sika kaufela sa latehisize si lukela kuliululwa ka muliululi wa lubasi. Oh, ha ki bunde! Sikona kutanda lisunda ni lisunda ni lisunda ni lisunda, halukoni kusiya kauhanyo ye, kuya ku yona. Lwakona kutamahanya Biblele kaufela yona fa, kuikenya mwahala kauhanyo iliñwi ye.

15 Mi, oh, Ni lata fela ku I bala. Ne lu I ngaanga, ni ku italima mwendi silimo ni licika, kono ne lu sa ifezangi Buka yani. Kuina fela hande ni Yona.

16 Cwale, kono, neli nto yetuna hakalo kuli sanda, mo ne kuinezi kuli sanda mwa naha hakuna mutu usili kwanda muliululi wa lubasi wa fakaufi ki yena yana kona ku liulula sanda sani. Cwale, mutuhele kuli nibeye mwateni nto yelikani fela fa yene Ni ngunyutile busihu bobuñwi, ku mina bahame. Ki babakai mwahali mo baba lapelezi balatiwa ba bona, baba sika piliswa? Ku lukile. Ki fo he cwale, mwabona, “Sanda sa mina.” Mwabona?

17 Paulusi na bulelezi Muroma, kuli, “U lumele ku Mulena Jesu Kreste, mi wena ni bandu ya hao muka piliswa.” Haiba una ni tumelo ya hao yekona kukupilisa, ube ni tumelo yeñata, hakuna taba kamba ki sibangoki se si cwani sa mushimani yo mwa inezi, kamba musizana yo ucwani, uka piliswa ni cwalo. Mulimu, ka mukwa omuñwi! Haiba Una ni ku mu kanamisa ka mukokoto wa hae, uka lobala mwa sipatela, inza shwa, u ka piliswa. Mulimu na sepisize cwalo. Kona sanda! Oh! “Mi bakaba teñi,” Isaya wa bulela, “ni babeye hamoho ni bana ba bona. Habana kuholofaza kamba kusinya fa lilundu la Ka le likenile, kubulela Mulena.”

18 Oh, Nina ni sibaka nyana se Ni sepa kuli Nakona kufita ku sona busihu boo, ku mina. Se si tuka mwa pilu yaka, se ku kutela ku sona.

19 Kono cwale, kuya kwapili. Konakuli kana mulemuhile Mushe, yena muezzi wa limakazo yomutuna yani yana tisize Isilaele ku itisa mwa naha, ni ku ba tisa mwa naha ya sepiso, kono na si ka beya sanda sani ku bona? Na si ka bafa sanda sa bona; na ba isize mwa naha, kono haili Joshua na abezi sicaba naha. Kana ki cwalo? Mi Kreste utisize keleke fa sibaka sa kuli sifumu sa yona si filwe ku bona, ne sifilwe ku bona, neli fela kusila Jordani, kono Moya o Kenile ki Ona O toma keleke mwa sikuka. Yena Joshua wa kacenu ubeya keleke mwa sikuka sa yona, inza fa ku mañi ni mañi, limpo, libaka, likalulo. Mi ki Yena Linzwi la Mulimu le li bulela ku mutu wa mwahali yo Kreste a pilisize, ona Moya o Kenile. Cwale kana mwa utwisisa seo hande? Cwale lukena mwa Buka ya Maefese. Cwale, ka nzila yeswana, Yena usweli kubeya keleke hande ko iswanela kuba. Cwale, Joshua na ba beile mwa naha ya pumulo ya naha. Cwale Moya o Kenile usweli kutomahanya keleke, mwa sibaka se si swanela, mwa naha, ku bona, mwa sibaka se ba swanela kuba kusona, sanda sa bona.

20 Cwale, sika sa pili sa kala ka sona fa, uñola liñolo la hae uli, “Paulusi.” Ili, yo luka fumana kasamulaho kuli ona kunutu ye kaufela ne ipatuluzwi ku yena, isiñi mwa mukopano wa bulapeli, isiñi ka muituti wa litaba za bulapeli, kono neli sinulo ya Bumulimu ya Moya o Kenile wo Mulimu nafile ku Paulusi. Ka

kuziba kuli kunutu ya Mulimu, na bulezi, kuli ne ipatilwe kuzwa kwa mutomo wa lifasi, ne se ipatululezwi ku yena ka Moya o Kenile. Mi Moya o Kenile mwahala sicaba no inzi ku mañi ni mañi ka swanelo, neli kutoma keleke mwa sibaka sa yona.

<sup>21</sup> Cwale, taba yapili yeo Paulusi ya kalisa ka yona fa kubulelela batu, ki kunga kaufela . . . Muhupule, se ki sa wa mwa keleke, isiñi ku wa kwande. Ki kunutu mwa linguli ku yena, hakoni nihaiba ku utwisisa, za mufita fa toho, yena hakuna ni sa ziba ka zona. Kono, haili kwa keleke, ki linonsi mwa licwe, ki tabo yesakoni kotaluswa, ki sepo ye fuyozwi, ki mayendameno a ankora ya moyo, ki sepo ni kupila kwa luna, ki Licwe la Myaha, oh, ki lika kaufela zeli zende. Kakuli lihalimu ni lifasi li ka fela, kono Linzwi la Mulimu halina kufela.

<sup>22</sup> Kono mutu yali kwande a Kanana hakuna za ziba ka zona, yena u sa yambaela. Ha ki kubulela kuli ha ki mutu yomunde, Ha ni buleli cwalo. Ha ni buleli kuli mutu mane nihaiba yali mwa Egepita kuli ha ki mutu yomunde, kono yena, konji ha sa tile mwa sibaka sa maluwo aa.

<sup>23</sup> Mi hali maluwo, kuli, sepiso yene filwe kwa keleke ha ki naha ya butu, kono ki naha ya moya, kakuli lu batu ba silena, lu naha ye kenile. Kona kuli mwa kuba batu ba silena mo, naha yekenile, sibaba se si ipitezi, se si bizizwe, ku alulwa, ku ketiwa, kubeiwa kwatuko, kona kuli fo he lifasi kaufela se lishwezi kwande. Mi lu zamaiswa ka Moya. Bana ba bashimani ni basizana ba Mulimu ba zamaiswa ka Moya wa Mulimu; isiñi ka mutu, kono ka Moya.

<sup>24</sup> Kaufela mwa lilato, taba yateni kaufela iswalani cwale. Se si likilwe ni kulutiwa fa linako zeñata, mi hakuna kukakanya ka mo ba bonela baituti ba bulapeli mo ba li tundaniselize mwa butungi kufita mo Ni konela. Kono nto ye Ni bata kulika kumi fitiseza ki ye, kuli mutu yali ku Kreste, yana ni Moya o Kenile, wakona ku utwisisa mutu ha fosize, pilutelele, musa, tibeledo. Ki ya munati, ya ikokobelize, ya sepahala, yatezi Moya, ha ki ya lata kunyaza nyaza, kamita uyemela zende. Ki mutu ya shutana.

<sup>25</sup> Ha ki mutu fela, “Ne lukaza ni yona. Haiba lu huwa, luna ni ona, luna ba Methodist. Oh, ha ne lukona kuhuwa, kuti neluli mwa Naha.” Sani ki sesinde, sani ki sesinde luli, Na lumela ni cwalo hape.

<sup>26</sup> Mi Mapentekota ba taha inge ba bulela ka malimi, bona, “Neba na ni zona; mañi ni mañi ya na bulela ka malimi nana ni ona.” Na lumela cwalo, nina. Kono niteñi lu fumana kuli babañata neba sina Ona ni cwalo, mwa bona. Mwabona? Cwale ba mwa . . .

<sup>27</sup> Lu taha cwale kwa kunutu yetuna ye patilwe haisamba lifasi litomwa mi cwale se ipatuluhile mwa mazazi a mafelelezo kwa bana ba Mulimu. Mwa lumela kuli yeo ki niti, bana ba Mulimu ba bonahalile? Mane lusika ya kale kai kamba kai, halu apuleni mwa Maroma kauhanyo ya 8 fa muzuzu fela, mutuhele ni mi

balele nto yeñwi. Lubone haiba se sitaha hande ku se Ni sweli kuambola fateni fa. Cwale luka apula Maroma 8, timana ya 19 ya—ya kauhanyo ya 8 ya Maroma.

*Kakuli ze shukelwa . . . kakuli ze bupilwe li libelezi ka kushukelwa hahulu kupatululwa kwa bana ba Mulimu.*

<sup>28</sup> Ka tibeledo yetuna, zebupilwe kaufela li libelezi kupatululwa. Mwabona, kupatululwa! Kana kupatululwa ki sikamañi? Ki kuzibahalisa!

<sup>29</sup> Lifasi kamukana. Ba Mohammedan ni bona kafoo, ba libelezi ona zeo. Kai kaufela, kai ni kai, ba libelezi ona zeo. “Batu baa bakai?” Lubile ni . . . Lubile ni moya o mutuna omata, lubile ni mishika ni mamonyi, lubile ni oli ni mali, lubile ni mifuta ya lika kaufela; kono lupalezwi kuutwa Linzwi leli bunolo leli sisani lani lene li bizize mupolofita, yana ikapesize lisila ku yena ni kuzwela fande, ali, “Kina Yo, Mulena.” Mwabona?

<sup>30</sup> Cwale zebupilwe kaufela za tonga ni kulibelela kupatululwa kwa bana ba Mulimu. Cwale, Paulusi uka tomahanya pili keleke handende fo iswanela kuba. Cwale ka kuba fela ni makalelo, ha lubaleni hape.

*Paulusi, muapostola wa Jesu Kreste ka tato ya Mulimu, ku ba bakenile (bao ki “bahalalehi”) babali kwa Efese, ni . . . baba sepahala ku Kreste Jesu:*

<sup>31</sup> Cwale, ili kuli sitopa sisike sa libala, kana lukena cwani ku Kreste? Kikuli lu ikopanya mwa keleke fa kukena ku Kreste nji? Kikuli luna ni kuba ni musebezi kuli lukene ku Kreste? Kikuli lu cimbekiwa mwa mezi fa kukena ku Kreste naa? Kanti lukena cwani ku Kreste? Makorinte Bapili, kauhanyo ya 12, “Kakuli ki ka Moya ulimuñwi,” ulimuñwi, taku yetuna ya M-o-y-a, ili Moya o Kenile, “kaufela luna lu kolobezwa mwa Naha ya sepiso.”

<sup>32</sup> Mwa Naha ya sepiso ye, lika kaufela ki za luna mwa Naha ya sepiso. Wabona nji, Muzwale Collins? Mwabona, lika kaufela mwa Naha ya sepiso! Fani Isilaele hana silile Jordani ye, kuya mwa naha ya sepiso, na lwanisize lika kaufela!

<sup>33</sup> Cwale muhupule, mwa Naha ya sepiso ye, sani ha si talusi kuli mu ilile matuku, ha si talusi kuli mu ilile matata. Kono si bulela cwana, (oh, nto ye hainwele luli), ibulela kuli, seo ki sa mina! Mu nanuhe fela ni ku ikungela sona! Mwabona? Ona . . .

<sup>34</sup> Mi, muhupule, nzila fela yeo Isilaele hana latehezwi ki mutu alimuñwi, neli fani sibi ha si kena mwa mafulo. Yani kona nzila inosi fela yelukona kulatehelwa ki—ki tulo, ki fo sibi ha si keni mwa mafulo, kuba ni se si fosahalile kokuñwi. Fani Akani ha uzwa siemba ni lisila la Babilona lani, sibi sa ba mwa mafulo, mi ndwa ya fosahala.

<sup>35</sup> Mu ni fe yona—yona keleke ye busihu bo, sona sikwata sa batu se, handende, handende mwa sepiso ya Mulimu, ka Moya o Kenile, baba zamaya mwa Moya, Ni swabisa butuku

bufi kaufela kamba ziezi yecwani kaufela, kamba sika kaufela sesiliteni, kamba Joe Lewis ufi kaufela yaliteni mwa naha, ni ku sa ipuluka kwa hae kaufela, hamoho cwalo ni baba sa lumeli kaufela babaliteni, kuli ba tise butuku bufi kaufela kamba ziezi mwa munyako oo, mi ba ka zwa mwahali mo inge ba iketile hande. Eeni, sha. Mulimu na file sepiso, ki sibi sa ku sa lumela fela kona sesikona ku tibela. Cwale luka shetumuka lufite ku seo sibi nyana se sili sona, kasamulaho nyana, cwale.

. . . ba bali *ku Kreste Jesu*:

*Mu fiwe sishemo, ni kozo, kuzwa ku Mulimu Ndata luna, ni . . .ki Mulena Jesu Kreste.*

*Kufuyolwe Mulimu ni Ndatahe Mulena luna Jesu Kreste, yalu fuyozi ka limbuyoti za moya kaufela mwa libaka za mahalimu ku Kreste, ku—ku Kreste:*

<sup>36</sup> Ha luli ku Kreste, luna ni limbuyoti za moya. Kwande a Kreste, luna ni maikuto a mubili. Ku Kreste luna ni mbuyoti ya niti. Isiñi tumelo ya ku nahana fela, isiñi bukangabeki, bwa kutina fela. Kono haibile mulika kubulela kuli mu mwa Naha ya sepiso, kanti inge musiyu mwateni, libi za mina li ka mi katana. Mi, taba yapili mwa ziba, muka ipumana kuli mwaipuma ni—ni kaufela, sina mo lu li bizeza mwa lifasi, kuli muyakile musi. Muka fumana kuli hamuna se muitumba kuli munani sona. Kono cwale hamuli ku Kreste Jesu, U mi sepisize kozo ya Lihalimu, limbuyoti za Lihalimu, Moya wa Lihalimu, lika kaufela ki za mina. Mu mwa Naha ya sepiso mi mane muna ni lika kaufela kakutala. Amen. Ha ki bunde ni boo! Oh, halu baleñi.

*Kuya ka mwa lu ketezi . . .*

<sup>37</sup> Cwale, fa kona fo isitatalela keleke habutuku.

*Kuya ka mwa lu ketezi ku yena . . . (Ku Mañi?) Kreste.*

<sup>38</sup> Lu fumana kuli cwale, kwamulaho mwa—mwa Genese mi ni mwa Sinulo, Sinulo 17:8, kuli Na lu ketile ku Kreste mutomo wa lifasi usika ba kale. Cwale, linzwi . . . Halu boneñi nibale ye tatama.

*. . . mutomo wa lifasi, kuli lube baba kenile mi baba tokwile litiba fapila hae . . .*

*Kuya ka kulemuhiwa kwapili . . .*

<sup>39</sup> Cwale Ni bata kuyemela fa linzwi leo la “kulukiseza cimo.” Cwale, *kulukiseza cimo* kale ha ki lubulele kuli, “Ni ka keta Muzwale Neville, mi Ha—Ha—Ha—Ha—Ha nina kuketa Muzwale Beeler.” Zeo ha li cwalo. Ki kuzibela cimo kwa Mulimu kuli ki sifi sene si ka luka ni sene sisike sa luka. Kacwalo, ka kuzibela cimo, Mulimu na ziba sa Na ka eza, Na lukiselize cimo lika ka kuziba kwa Hae kuli lika kaufela libeleke hamoho kwa bunde bwa baba lata Mulimu, kuli Yena cwale, mwa nako ye sa taha, abizeze lika kaufela ku Alimuñwi, yena yali Kreste Jesu.

<sup>40</sup> Halu boneni ni mi tiseze ponahazo nyana fa. Ki hande. Lu kutele kwa mulaho, Ni lumela kuli Ne ni bulezi ka yona hanyinyani busihu bobuñwi, kamba ne ni ngunyutile fateni, mwa Genese, kauhanyho ya 1, 1:26, fani Mulimu hana bizize Libizo la Hae kuli, “Mulena Mulimu,” ki mwa linzwi lakuli El, Elah, Elohim, le li talusa kuli “ya ipupile Alinosi.” Nekusina sika sesipila kwanda Hae. Nekusina moya o fuka, nekusina liseli, nekusina linaleli, nekusina lifasi, nekusina sika kaufela. Neli Mulimu, mi Mulimu fela anosi, El, Elah, Elohim. Cwale, ki Yena ya bupile zani.

<sup>41</sup> Mwahala sani nekuna ni milelo yene talusa kuli Nali mu . . . Mwahali a yena El, Elah, Elohim yomutuna yanali mulelo kamba mu . . . Mwa ziba seo *mulelo* uli sona, kamba mutuhele ni bulele cwana, nali “sibupeho.” Fo kikuli ni mwanana autwisise, mi Na ni alimuñwi wa banana baba lukela ku si utwisisa ka nzila yeo. Mwahali a Hae nekuna ni sibupeho sa kuba ndate, kono kanti ki Ya ipupile iliyena, nekusina sika sa kuli Abe Ndate ku sona. Mi, cwale, mwahala sani hape nekuna ni sesiñwi hape, kuli Nali yena Mulimu; mi mulimu ki sibupiwa se si lapelwa; kono Yena nali ya ipupile fela anosi, El, Elah, Elah, Elohim, konakuli nekusina sa ku Mu lapela. Mwahali a sani, Nali yena Mupulusi, mi nekusina sei latehile kuli apilise. Mwabona? Mwahali a sani, Nali yena Mufolisi, mwabona, kono nekusina sika sene si lukela kufoliswa, kamba hakuna sene si lukela kukula. Cwale mwabona siswaniso? Kacwalo milelo ya Hae, sibupeho sa Hae sa tahisa seo ali sona kacenu.

<sup>42</sup> Batu babañwi bali, “Kihande, ki kabakalañi Mulimu hana si ka itulela fela isali kwa simuluho?” “Ki mutu wa pilu seta,” Joe Lewis abulela, yena yana nyazize Joe, kamba Jack Coe, mwabona. Ali, “Ki mutu wa pilu seta fela ni lunya. Hakuna sika sakuli Mulimu. Haiba nekuna ni sika se si cwalo, Na kaba wa . . .” Oh, Ni . . . neli ku Mubiza fela mabizo a mifuta kaufela, mwabona. Kono ki mukwa wakuli fela nakaba ni zibo yeñata hahulu fahalimu *fa*, kono hakuna sanani mwatasi *fa*.

<sup>43</sup> Cwale, sani, mwani kona mo siinzi. Mwabona? Linzwi le la bulela cwalo mwahali mo, mi U li patile. Mi likunutu ze lipatilwe cwale, muhupule, Bible ibulezi kuli, “Kuzwa kwa mutomo wa lifasi, kulibelega kupatululwa kwa bana ba Mulimu,” ili kuba bonahalisa kwa keleke. Oh, mawi! Mwautwa kana?

<sup>44</sup> Cwale Na yema ka likande laka fa nako nyana, kamba Ni ka tisa . . . Ni ka ya kwa muhupulo waka otatama kuli ninge se. Cwale muhupule, mwahala masika kaufela a Mushe, kukuta mwa masika a bapolofita, kukuta ni kwa mulaho mwa masika kaufela, ba libelezi kutofita kwa mazazi a maungulo a kuli ba bonahale, kuya ka Mañolo. Yeo ki niti, kuli ku patululwe bana ba Mulimu. Kiñi? Kuzwa kubaba latehile . . . kutofita kwa mindandwe yepahami ya piramidi, sina ha Ni bulezi, banze bayaha kutaha bukaufi, bukaufi, bukaufi.



<sup>45</sup> Sina ha Ni nze ni bulelanga taba ye, ya kuli, Mulimu na ezize Libibele zetalu. Ya makalelo, Na I beile mwa mbyumbyulu, ili zodiaki. Kana mukile mwabona fateni zodiaki? Ki sibupiwa mañi sapili mwa zodiaki? Ki mwalyanjo. Ki sibupiwa mañi sa mafelelezo mwa zodiaki? Leo ili yona tau. Na tile ka nako yapili ku mwalyanjo, U taha ka nako ya bubeli sina Tau ya lusika lwa Juda. Mwabona?

<sup>46</sup> Aeza yetatama mwa mufuta wa piramidi, kwa mulaho mwa mazazi a Enoke, hane kuyahiwa lipiramidi. Mi ba li pima. Ha ni li utwisisi. Kono kwa lindwa, ko bakona kuinama ni kukubama ka mañwele fa nako yetelele, mi bakona kupima butelele bwa kokuna ni lindwa. Mwa ziba ko ba pimela cwale? Balitisa mwa kashandi ka mulena. Mi yona piramidi ye hane nze iya mwahalimu. . . Halukoni ku iyaha, ni lika kaufela ze lunani kacenu. Halukoni ku iyaha.

<sup>47</sup> I yahilwe yali kushenga hande sina *cwana*, kwa mafelelezo. Mi licwe fa . . . Licwe la kukwahela ne li si ka fumanwa. Nebasika beya licwe fahalimwa piramidi. Hani zibi haiba mwa ziba cwalo kamba kutokwa, yona piramidi yetuna ya Egepita, neisabangi ni licwe fahalimwa yona. Kiñi? Licwe la kukwahela ne li hanilwe, Kreste, yena licwe la kwa Toho, mwabona, na hanilwe.

<sup>48</sup> Kono halunze luzwa kwa lusika lwa ba Lutheran, lusika lwa ba Baptist, lusika lwa ba Methodist, lusika lwa ba Pentekota, lutaha fa Licwe le li kwahela cwale, mwabona, lu libelezi ni kunyolelwa Licwe la kukwahela lani kuli li lule fafasi, muyaho ufelile. Kana hamusika bala mwa Mañolo kuli, “Licwe neli hanilwe”? Kakuli, lu lemuha kuli sani ne si bulela za tempele ya Solomoni. “Kono haili Licwe leli hanilwe lifetuhile la Butokwa mwa lilulu.” Mi Ni bulela fela seo kuli ni mi ezeze si—si—si—si siswaniso.

<sup>49</sup> Cwale, mi mwa Biblele, lupila mwa lizazi la mafelelezo, ili fahalimwa piramidi, litapi ze kauhani za lusika lwa kansa mwa zodiaki, mwa nako ya kutaha kwa Leo yona tau, mwa licwe la kukwahela, mi ni mwa mazazi a kubonahala kwa bana ba Mulimu, mwa Biblele, mwabona. Mwabona fo luinzi kana? Lu kwa maungulo luli a nako.

<sup>50</sup> Ki babakai baba balile mutende wa biki ye, ka za na bulezi Khrushchev ni babañwi bani? Oh, ba itukisize; ni luna luitukisize. Amen. Kuitukisa! Ku lukile, mwabona. Oh, ha ki—ha ki—ha ki lithonolo ni leo, ki lizazi lelicwani! Haiba Bakreste bakona fela kulemuha lizazi leo lupila kulona. Mawi!

<sup>51</sup> Ki sikamañi se mu nahana? Muñoli wa Buka ye, na si boni, mi na boni ni fo ne si ka to bonahalela mwa mazazi a mafelelezo, kulibelela ni kutonga bakeñisa bana ba Mulimu bani kuli batahe mwa mazazi a maungulo, ka mata a Moya o Kenile mwa lusika lwa mafelelezo, ku to patulula lika ze patilwe haisamba mutomo wa lifasi utomwa, ku litisa ku lishokomona.

<sup>52</sup> Cwale halu kuteleni kwa “mutomo wa lifasi” hape, kuli lube ni sinulo, kuli lubone haiba lu kondisize kamba nee. Ni sepa kuli ha Ni fetuhi kuba ni kashwau ka kubiza Mulimu kuli, “Papa,” kono Ni bata kubulela ka nzila yeo kuli mu utwisise. Papa! Papa na bata bana, kacwalo Aeza sikamañi? Abulela kuli, “Hakube Mangeloi.” Mi Ba taha ku Yena. Oh, seo ki sesinde. Ne ba Mu kubamela, kona Aba Mulimu, ili milelo. Muhupule, Nali yena El (E-1), Elah, Elohim, ya ipupile isali yena, kuna sika kwanda Hae. Sika sapili sene sitile neli Mangeloi. Mi, Mangeloi hakuna sakona kuezwa kwanda kulumbeka. Na si ka lateha. Kacwalo, Hakoni kukula, Nali libupiwa za moya. Kacwalo, Na si ka bonahalisa mata a Hae a kufolisa, na si ka bonahalisa puluso ya Hae. Kacwalo he, kale kusina, cwale ki fo . . .

<sup>53</sup> Mi kasamulaho wa seo, Abulela kuli, “Luka bupa sika sesikona kuswaliwa.” Kacwalo Abupa lifasi. Mi Amano bupa lifasi, Abupa libupiwa kaufela za lifasi, mi ki Habupa mutu. Lika kaufela ze ne tahile kuzwa mwa mubu; kukala ka—ka bulo kamba tapi yebunolo, inge mufuta fela wa nama ye cimbauka fa mezi, akalela ona fani, kuya . . . kuzwa fani kutaha fa simbotwe, ili mufuta wa mwatasi hahulu ku zelukona kufumana, kona mo ba bulelela, ki simbotwe. Ku ze pahami hahulu kufitisisa ki mutu. Kuzwa kwa simbotwe akalisa kutaha kwa mukolozwani, mi kuzwa kwa sombotwe kupahama ni kupahama ni kupahama cwalo, mi nako kaufela Moya o Kenile haukala ku utwahala lilata sina cwana “whoosh,” kubuyela, bupilo bwataha hape; “whoosh,” bupilo bobutuna. Mi nto yapili, sesiñwi sa taha mwa sibupeho sa Mulimu, yani neli mutu. Hakuna sesikile sabateni, hakuna sene sibangateni, kamba nihaiba sesika bupiwa hape, se si ka pahama kufita mutu, kakuli mutu u mwa sibupeho sa Mulimu. Mwabona? Ki mutu . . .

<sup>54</sup> Mi ha Na bupile mutu wa Hae wapili. Cwale, ha Na bupile libupiwa za Hae za Mangeloi . . . Abupa mutu, “Aba eza ili muuna ni musali,” kaufela bona mwa siyemo silisiñwi. Nali sibeli sa muuna ni musali, ana ni za busali ni za buuna. Fani Ha bupa Adama ni kumu beya mwa mubili . . . muhupule mwa Genese 1, A eza muuna ni musali. Mi mwa Genese 2, nekusina mutu wa kulima mubu, mutu wa mubili. Nekusina mutu yana kona kuswala sila kaufela ni kulima mubu, kono imbo nekuna ni mutu yanali mwa sibupeho sa Hae. “Mi Mulimu ki . . .” [Kopano ili, “Moya.”—Mu.]. Yeo ki niti. Mwabona? Na bupile mutu wa makalelo, “muuna ni musali Aba bupa.” Cwale, fani ha Na bupile mutu wapili!

<sup>55</sup> Cwale, muhupule, lika kaufela Nana ni zona mwa munahano wa Hae. Mi la Sunda busihu Ne ni fitile ku zeo. Li—li linzwi ki muhupulo o bonahalizwe. Mulimu na hupuzi mwa Na ka bela Mulimu, mwa Na ka lapelelwa, mwa Na ka bela Mufolisi, mwa Na ka bela Mupulusi; mi ona ha Na mano bulela Linzwi lani, neli mafelelezo kuyakuile. Oh, haiba bana ba Mulimu ba

cwale bakona fela kuswala Linzwi lani cwalo. Mulimu habulela Linzwi, ku felile! Kaniti! Mwendi na libelezi. . . Mundandwe wa zepila ubulela cwalo, kamba mukoloko wa zeswanela, ba bulela kuli mwendi lifasi neli ma milioni ni ma milioni ni ma milioni. Ha ni zibi, ikona kuba ma tililioni ni ma tililioni a lilimo. Ha ni zibi kuli neli nako yekuma kai. Mulimu hapili mwa nako. Hana nihaiba muzuzu ulimuñwi osiyezi kufita mwa Na bezi ka nako ya Na bulezi. Yena usali Mulimu. Hakuna nako ku Yena.

<sup>56</sup> Nali kuba ni zibe sani cwalo konji busihu bobuñwi, kakusasana omuñwi, nitaluse. Kuyakuile, hakuna maabani, hakuna kamuso, kaufela zona ki onafa cwale. Kana mukile mwa lemuhla linzwi lelili “NI TENI”? Isiñi “Ne niliteni” kamba “Ni kabateni.” Ki Kuyakuile, “NI TENI!” Mwabona, “NI TENI,” kamita!

<sup>57</sup> Cwale, kono Na bata kubeya lika mwa nako. Nana ni kubupa sika se si lapela, kacwalo milelo ya Hae kiyona yetisize se. Mi kona Abupa mutu. Mi, mwahala muuna yoo, na bonahala kuba buinosi. Kacwalo, he, kuli abonise munahano wa Hae omutuna, sa Na nani mwa siswanuso sa Krete ni Keleke, Na sika nga siemba sesishutana sa lizupa ni kubupa fateni musali, kono Na shimbile kwa makupo a Adama, likupo; mi anga kwa moya mwa Adama, wa sisali, ni kubeya mwa likupo le. Ha mubona muuna yaeza inge musali, kuna ni se si fosahalile. Mi ha mubona musali ya lata kueza inge muuna, kuna ni se si fosahalile. Mwabona, kuna ni se si fosahalile. Ki mioya yemibeli yeshutana yeo, hamoho. Kono, hamoho, lipanga kalulo iliñwi, “zepeli ze kinto iliñwi.” Kacwalo Na ezize musali ni muuna, mi ne ba sa lukeli kusupala, basike bashwa, basike bamela limbi, kutokwa. Neba ca, neba nwa, neba lobala, mane inge mo lu ezezanga, kono neba sa zibi kuli sibi ki sikamañi.

<sup>58</sup> Cwale Ni ka fitelela se kwa tuto yeñwi nako isili, fa peu ya noha. Yeo, ba ni kupile kuli ni hupule seo. Kono haluboneni kuli mutu atahe mi ani bonise shutano. Sani kona se Ni bata kuziba, mwabona.

<sup>59</sup> Cwale, kono haili kasamulaho wa ze kaufela, mi cwale sibi hase sikeni mwateni, ki sikamañi se si ezahala?

<sup>60</sup> Kwahule hule koo, mwahalimu, ma milioni, mianda ya ma milioni a limaili, kuna ni sibaka sesituna *cwana*, mi kuna ni lilato lelipetehile la agapao. Nako kaufela hamuna ni kuhata neku *le*, iya iba bunyinyani. Mi mwa ziba molikona kubela lelinyinyani ka nako yelifita fafasi. Ki muluti wa muluti wa muluti. Seo kona se munani, seo kona se Ni nani, muluti wa muluti wa muluti ya lilato la agapao.

<sup>61</sup> Kuna ni sesiñwi mwahala mina, kuna ni sesiñwi mwahala musali kaufela mwahali mo ya fitelezi lilimo ze mashumi amabeli, kuna ni sesiñwi ku muuna kaufela mwahali mo ya fitelezi lilimo ze mashumi amabeli, ya lata kusiyala. Muna

ni feela lilimo ze ketalizoho, fo ki kuzwa ku ze lishumi ka zeketalizoho kuisa mashumi amabeli. Kasamulaho wa mashumi amabeli mukala kushwa. Kono, kuzwa fa lilimo ze lishumi ka ze ketalizoho, u mwanana fela ka nako yeo. Mi kipeto wa hula kutaha hauba ni lilimo ze mashumi amabeli. Mi kasamulaho wa mashumi amabeli, oh, mu li, “Fa cwale senili muuna yomunde.” U bulela fela cwalo, kono ha u cwalo. Wa shwa mi uya u yonga, hakuna taba kamba ueza sikamañi. Mulimu u ku bupile kufitela fa siyemo sani, kono he uka shwa. Cwale ki sikamañi se si ezahala? Cwale ukala kushwa, kono mwahali mwani kuna ni sesiñwi se si bulela kuli, “Ni bata kuba wa lilimo ze lishumi ka ze ketalizoho ni zetalu hape.”

<sup>62</sup> Cwale Ni bata ku mi buza nto yeñwi. Kucwani kambe ne mu pepilwe lilimo ze mianda iketalizoho kwa mulaho, mi mwali kuinelela mwa lilimo ze lishumi ka ze ketalizoho ni zetalu kufita ni kacenu? Haiba mu sa bi mucembele muumbulu, ni milelo ya mina ya lilimo ze mianda iketalizoho kwa mulaho! Kafoo kale bashemi ba bazamai basika taha kwanu, mi nemuli kalibe yana ni mulelo o cwalo. Kiñi, nekukaba fela hande kuli muikele muyo isupalela fela ni kuba ni lilimo ze mianda iketalizoho. Mwabona, kuna ni sesi fosahalile.

<sup>63</sup> Mu li, “Kihande, fa cwale Ni ikutwa fela hande, Muzwale Branham. Oh, Ni—Ni—Ni nani ze lishumi ka ze ketalizoho ni zetalu, Nina ni ze lishumi ka ze silezi, Na ikutwa hande.” Mulatiwa, halubone ni ku bulelele nto yeñwi. Kana uziba cwani kuli bomaho bapila ka nako ye, haiba habayo mwa keleke mo? Kana uziba cwani kuli nyazi wa hao wa mushimani ha si ka bulaiwa mizuzu nyana yefitile, kamba nyazi wa hao wa musizana? Kana uziba cwani kuli kakusasana hauna kuba situpu mwa ndu ya hao? Kana uziba kuli uka zwela fande a keleke busihu boo, inge upila? Ki taba ye sa zibahali hande. Hakuna se si zibahala. Haiba uwa lilimo ze lishumi ka ze ketalizoho, lishumi ka zepeli, lishumi ka ze ketalizoho ni zene, mashumi asupile ni ze ketalizoho, kamba mashumi a ketalizoho ka amane, kuna ni . . .lika kaufela ha li zibwi. Ha u zibi fo uyemi. Kono niteni mubata kukutela kwa silimo sa bulishumi ni zeketalizoho, lishumi ni ze ketalizoho ka zetalu. Ki sikamañi se si mi ezisa cwalo?

<sup>64</sup> Cwale, haiba mukutela kwa lilimo ze lishumi ni ze ketalizoho ka zetalu ni kuisiala ona foo, mi mutokwe kukula ni kuba. . . mu lukela kuba ni natu babañwi hamoho ni mina, kakuli nemuka nyikwa ka zona, mwabona. Batu nebaka fitelelanga kuya mwa lilimo zeñwi mina mwali kuinelela mwa mubili wa mucembele muumbulu fokuswana. Nemukaba mwa bumaswe kufita kuli muye musupala ni bona. Kono kuna ni sesiñwi sesi sweli kumi biza. Yeo kona agapao yenyinyani yani, ona muluti nyana wani o mi eza kuli. . . Sesiñwi mwa halimu mwani.

<sup>65</sup> Cwale, busihu bobuñwi, kamba kakusasana omuñwi, ka sebene kiloko, fani Moya o Kenile, ka bunde bwa Hae ni muhau wa Hae, ani zusa mwa mubili wo, Na lumela, Na lumela. Eee kamba awa, Hani buleli, mi na kena mwa naha yani mi nabona sicaba sani, mi kaufela bona nebali banana. Mi ne Ni boni batu babande hahulu ku be Ni kile nabona fateni mwa bupilo bwaka. Mi ki Ha ni bulelela kuli, “Babañwi ba bona nebana ni myaha ye nainte ya kupepwa. Ki bona bo fetulezi kwa kubaka. Ki kabakaleo haba sweli kuhuwa kuli, ‘Muzwale waka! Muzwale waka!’”

<sup>66</sup> Cwale, wani ki mubili wa lihalimu, kuli ha lu shwa halubi litangu, luba mubili. Haiba nelukaba, mañi ni mañi, washwa, haiba bomba ya atomic neika lu panceza ka muzuzu woo, mwa mizuzu iketalizoho kuzwa cwale neluka swalana mwa mazoho ni ku kumbatelana yomuñwi ni yomuñwi, ni kuhuwa ni kuzwelapili ona cwalo, lunze lu lumba Mulimu! Eeni, sha. Mi Muzwale ni Kezeli Spencer babainzi fa, Ni sepa kuli ki balibañwi mwahala ba bahulile hahulu ku ba banyalani mwahali mo, bakona kuba mwa lilimo ze lishumi ka ze ketalizoho ni zetalu, mashumi amabeli a kupepwa. Muzwale Neville ukona kuba fela mushimani yomunyinyani, mi ni Na nikona kuba fela mucaha nyana. Mi kaufela luba lukona kuba fela . . . Yeo luli kona Niti yateni. “Haiba tabernakele ya lifasi mo lupila mo isinyeha, luna ni yeñwi ye libelezi.”

<sup>67</sup> Mi haiba mbututu uzwa ku bomahe, kutaha ka kupepwa kwa nama, mubili wa hae o munyinyani usweli kufetauha ni kulahaka, ni zeñwi cwalo. Mu ni swalele ka kubulelela cwalo, mina likalibe ba sanana. Kono, ha eza cwalo, una ni mata a mubili asweli kunyanganya. Kono cwale hataha fa lifasi, taba yapili, utelwa ki bupilo, mi kuna ni mubili wa moya wa sibupeho otaha ku mbututu yani ka nako yeo. Ku usiya fela ona cwalo, uka nanula toho ya hae yenyinyani ni ku yendamena fa lizwele la bo mahe ni kuanya. Haiba ha ezi cwalo, kona kuli mabisi mane hakoni kutaha.

<sup>68</sup> Kana mukile mwa lemuha nkomwana ha ipepwa, isa . . . ba fela ni mata akukona kuyema ka mahutu? Ki mañi ya ibulelele? Ika zamaya kuya ku maa yona, ikale kubopa mane ikale kuanya. Oh, eehe!

<sup>69</sup> Kakuli, mubili wa lifasi wo ha utiswa fa, kuna ni mubili wa moya o itukiselize ona. Mi kapili fela wo ha se u . . . Oh, haleluya! “Mi haiba tabernakele ya lifasi ye mo lupila isinyeha, kuna ni yeñwi ye libelezi kwani.” Ona fo lu sa zwa fela mwahali mo, lukona ku wani; ili mubili o sa lati kunwa mezi a bata, ona hauna taba ka za kunwa mezi; ki mubili o sa cangi, yani kwateni ha ki mibili ya mubu. Kono luli ki ya luli, mi ina ni maikuto ni kukona kuswalana mwa mazoho, mi ni kukona kulata ni lika kaufela ze petehile. Mi mubili wani ulibelezi kwabuse kwani. Ki siemba sa ona. Kuna ni yemilalu ya yona.

<sup>70</sup> Mu kalela Bupilo bwa mina bwa Kuyakuile ona fa katala fa. Fa kona fo mukalela Kuyakuile kwa mina. Oh! Mu kaliseza Bupilo bwa Kuyakuile ona fa. Mi kipeto se mupepilwe sinca, kuba alimuñwi wa Mulimu. Mi cwale ha mu shwa, mu kala. . . Haiba lifu la mina la mi katana mwa mubili wo mi ni pilu ituhela kunata, mi ni mawili a butu akala kupalelwa kuzamaya, muluti nyana wani onoli muluti wa muluti, mwa muzuzu nyana fela uba muluti wa muluti, konakuli se sitatama uba muluti, nto yetatama iba tumezi nyana, mi nto yetatama iba ka abwa nyana, mi nto yetatama iba nuka yetuna, mi kuzwa fani cwale iba liwate, mi kasumulaho wafo muyemi fapila balatiwa ba mina kwabuse kwani, baba apezi mubili wa lihalimu, kuli mwakona kuzibana, kulatana mane, mu se mukutezi kwa kuba mutangana ni kalibe yomunyinyani hape. Yeo ki niti luli. Ulibezezi kwani kufitela kutaha kwa Mulena Jesu. Mi zazi leliñwi mubili o filwe kanya wani wa Hae. . . Cwale muhupule, wani ki mubili wa lihalimu, isiñi o filwe kanya, ki mubili wa lihalimu. Mi zazi leliñwi mubili wa lihalimu wani uka siya Lihalimu ni Jesu.

<sup>71</sup> “Kakuli Ni li ku mina,” Matesalonika Babubeli, kauhanyo ya 5, kamba Matesalonika Bapili, kauhanyo ya 5, iliñwi kamba yeñwi, “Ni li ku mina, Hani lati kuli mutokwe kuba ni zibo, bana bahesu, ka baba itobalezi, kuli musike mwa lila, inge mo ba lilela babasina sepo. Kakuli haiba lu lumela kuli Kreste na shwile ni kuzuha hape ka lizazi la bulalu, ka mukwa o swana ni bona baba lobezi ku Kreste Mulimu ukaba zusa hamoho ni Yena. Kakuli lu bulela cwana ku mina ka litaelo za Mulena, kuli luna babapila mi lusiala kufitela kutaha kwa Mulena, haluna kutibela kamba kupaleliswa” (kona linzwi leliswanela) “kupaleliswa bani baba lobezi. Kakuli tolombita ya Mulena ika lila, mi baba shwile ku Kreste ki ha ba ka zuha pili.” Mibili ya lihalimu ye ika taha fa lifasi ku to apala mibili ya lifasi, mibili yefilwe kanya. “Mi luna babapila mi lusiala luka cinciwa mwa nako nyana fela, ka kukobya fela kwa liito, mi luka ngelwa hamoho ni bona, ku yo katanyeza Mulena mwa mbyumbyulu.”

<sup>72</sup> “Hanina kunwa kwa sino sa veine kamba kuca ni hanyinyani konji ha Ni ka ica sinca ni mina mwa Mubuso Wa Ndate,” mwa Mulalelo wa Linyalo. Mwa lilimo zetalu ni licika fo antikreste ha sa felize puso ya hae, lifasi kamukana likabe li sinyehile, Majuda ba bizezwa kwande, Josefa wa itibahaza ku Bamacaba, kamba kwa Majuda. Muhupule, fani Josefa haitibahaza kwa bana bahabo yena, nekusina nihaiba wa Bamacaba alimuñwi yanaliteni. Fani hana lumile. . . Mwa ziba likande. Josefa, mufuta o petehile wa Kreste, mwa mukwa ufi kaufela. Mi cwale Josefa ha biza bana bahabo yena, mi ba taha, mi atalima abona Benjamine yomunyinyani, mi aba bona kwani mi a. . . Se bali, “Kiñi, mutangana yo! Nelu—nelu sa lukeli kubulaya mwanesu, Josefa.” Majuda babona kuli ne ba fosize; mi cwale Kreste, Ha nza itibahaza ili Yena ku bona. Mi Josefa

na tezi hahulu, nana ni kulila, kubata kulila, kacwalo a kupa musala hae ni bana ba hae kuzwa fateni, ni balibeleli kaufela ni lika zeñwi kaufela, mi aba luma kukena mwa mutala. Luli kona ona cwalo. Mi aina fapila Majuda banosi, mi ali, “Kina Josefa, muzwale munyana mina. Ni muhaenu munyana mina.” Mi ba wa ni kusaba, bali, “Cwale luziba kuli luka ziyeleha, kakuli ne lu bulaile munyana luna. Lu lubulezi kuli ne lu bulaile munyana luna, mi fa seli yena mulena yomutuna.”

<sup>73</sup> Yena ali, “Mulimu na ezize cwalo ka mulelo, kuli apilise bupilo.” Ona wo kona mulelo luli Mulimu wa na ezelize cwalo, kuli apilise Bamacaba. Kono haili Bamacaba nebali mwa sibaka. Haleluya! Banze ba hanilwe ki bana ba habo Yena, Josefa, A ikungela Munyaliwa; mi ki Munyaliwa wa mwahala Bamacaba, ha ki Mujuda. Kulukile.

<sup>74</sup> Cwale, muya kai cwale? Kasamulaho wa kutina mubili wa kanya wo, ni lusika lolutuna lolu sa taha; fo mubili o filwe kanya, mubili wa lihalimu wo hausu uezizwe mubili ofolwe kanya. Mwa utwisisa se Ni talusa cwale? Konakuli Nakona kuzamaya ni kubulela kuli, “Muzwale Neville!” Halu boneni ni mife mutala nyana. Ni li, “Muzwale Humes, haluyeni ku Papa kakusasana cwana.” Ki Mulimu. Lwa Mu ziba cwale, Ki Mupulusi, Ki Mufolisi.

<sup>75</sup> Nekusina sika sakuli pupo ya sibi. Sani ha si sika utwahala hande, nji cwani? Sibi ha ki pupo. Batili, sha! Sibi ki lyanganisi. Kuna ni fela Mubupi alimuñwi, yani ki Mulimu. Sibi ki kuluka ko ku lyanganisizwe. Kubuka ki sikamañi? Kuluka ko ku lyanganisizwe. Buhata ki sikamañi? Ki niti ye kopamisizwe. Luli. Linzwi la sikuto ki nto mañi? Ki mbuyoti ya Mulimu ye fetuzwi kuba linzwi la sikuto ku Mulimu, bakeñisa mbuyoti. Sibi ha ki pupo. Sibi ki lyanganisi. Kacwalo, Satani na si ka bupa sibi, yena fela na lyanganisize sa na bupile Mulimu. Yeo luli ki niti. Lifu ki kulyanganisa kwa bupilo.

<sup>76</sup> Cwale mulemuhe se, mulemuhe se. Konakuli Ni ka zamaya, mi Ni bulele kuli, “Muzwale Humes, halubone wena ni Na, mi Muzwale Beeler ni mizwale yemiñwi, luka ya ku Papa, Mulimu. Mi, luli, halu yeni fa musipili nyana. Mina bashamani ne mulata malundu ha mu . . .”

“Eehe, luli ne lu lata.”

<sup>77</sup> “Oh, kuna ni limaili ze milioni za lilundu kulo kwani mwa lifasi lelinca. Kuya kwateni, kuzamaya fahalimwa ona.”

<sup>78</sup> “Nina ni ku . . .? . . . lizazi ka zazi ni zazi, la pazula. Ni ka mi utwa. Habanze ba bulela, Ni ka utwa.” Isaya 66. Yeo ki niti.

<sup>79</sup> Mi mwa ziba, Ni zamaya kulo kwani, kaufela luna lu zamaya kwani mwendi ka myaha ye mianda yeketalizoho fela, ki musipili o mukuswani fela, milioni iliñwi, hali ezi shutano ni yekana, mwabona. Mi cwale—cwale seo si utwahala inge bukuba, kono ki niti. Mwabona, ki niti, kakuli hakuna nako,

ki Kuyakuile. Mi cwale ha Ni zwela kwande kwani, Ni zamaya mwatasi mwahali mwani, mi mwa ziba ye Ni—Ni—Ni katana kwani? Ni li, “Kihande, haiba hakuna Kezeli Georgie Bruce! Kiñi, Kezeli Georgie, seli kale fo Ni ku bonezi.” Kubonahala fela inge kuli kamita. Mwabona? Ukona kuba wa lilimo zekuma fa ma milioni a mashumi a kupepwa, kono usali fela mwanana sina mwa kile abela kamita. Uka yo ñwaya mutu yomuñwi mwa mukokoto, mi Ni talima kwani, ki liñau, ki tau.

Ni li, “U cwani kakusasana cwana, liñau?”

<sup>80</sup> “Meow,” inge kaze ya mwana. “Oh, Ne ni inzi kwani inge ni ambola ni likezeli zeñwi kwani mwa lipalisa zetuna zani, lubile kwani mwendi ikona kuba myaha ye myanda iketalizoho cwale, mwabona, inge italima talima.” Cwale, seo si utwahala kuba bukuba, kono ki niti. Yeo luli ki yona. Ona cwalo kona Mulimu mwa na ezelize.

<sup>81</sup> Kihande, ifuyolwe pilu ya hao, Kezeli Georgie. Hakuna bumaswe bo bukona kutaha, hakuna sika ni se sikana. Mwa nako ya manzibwana luka ya lupahame lilundu, ni kubulela kuli, “O Papa, Mulimu, Ne ni latehile. Oh, Nenili mwa sileze sa sibi nako yeñwi, Papa, Mulimu, mi Wa ni pilisa.”

<sup>82</sup> Kiñi, batu baba lika kubulela cwalo ba lyangani. Kihande, muuna yana ñozi timana ya mafelelezo ya kuli *O Lilato La Mulimu*, zani ne li ñozwi fa limota la muyaho wa baba lyangani, bene ba lika kutatulula lilato la Mulimu. Ka mwa Na kusufalezi kuli apilise baeza libi, ni mwa Na ezelize, ona lilato la Hae lene lishetumukile kufafasi ku to mi pilisa mina ni Na. Mubulele ka za milapelo, Mangeloi hakuna sa ziba ka zona! Milapelo, Lingeloi liziba fela. . . Li yema fani mi li zukuza mafufa a Lona kwamulaho ni kwapata, ni kushutanisa, “Haleluya! Haleluya!” Kono, oh, sishemo! Ha li taha ku za kuziba kuli ne Ni latehile mi cwale Ni fumanwi, Ne ni shwile, Na pila cwale hape! O Mulimu, Ne nili mwa sibi, Ne nili mwa sileze, mi Nenili fafasi mwa sileze!

<sup>83</sup> Ki ze zende zeo bupilo bo bukona kumifa. Kana mukile mwafita kwa sibaka ko ku nepelwa Colgate kwani? Ki sona sibaka sesi nunka bumaswe hahulu ku ze Ni kile naba ku zona. Ona musu wa kale wani kulisanga ha u ni nunkela. Kuina mwahali a musu wa kale wani, za mi kulisa mwa limba za mina, ki kufetulela za mwahali kutaha fande, kasumulaho wa kuzusa oli ya castor. Mwabona, ki kukula fela mo mu kona kubela! Ni lipeba inge li mi zamaya fa mubili, inge licela lico fa mubili wa mina. Mi zani kona zende za mwa bupilo. Mi kipeto yomuñwi afita ku mina ni ku mi nanula. Mi se mu supezi mane hamukoni kuipumanela mata a mina. Ni ku mi nanula ku mi fetulela ku mushimani wa lilimo ze lishumi ka ze ketalizoho ni zetalu za kupepwa, wa mi toma fahalimwa lilundu, ona kutubula luli kwa bunca, mawi, moya omunde wa moya o bata cwalo, mezi akunwa amande mi abata. Kana mwakona kutabela kukutela kwa sibaka



sa manyalala sani hape? Batili, batili, batili, batili kukutela kwa sibaka sa manyalala sani hape.

<sup>84</sup> Cwale, sani sitalusa ona cwalo, mulikani. Sani kona yona pono yani, kamba petuho, seo kaufela, ki pono. Ni ka bulela kuli ki pono, kakuli Ni saba kuli seo si ka filikanya yomuñwi ha ni bulela kuli petuho, kona sani mo ne siinezi. Cwale, fani kona foo Mulimu . . . sana ezize Mulimu fa kutisa bana ba bashimani ni basizana ku Yena. Cwale, batu ba ki bomañi? Kana neba ezize cwani . . . Ki sikamañi sene ba ezize batu ba kuli ba fumane ze? Kana neba ezize cwani zeo? Mulimu, kwa simuluho, mane Lingeloi lisika bupiwa kale . . . Ki babakai baba ziba kuli Yena ha palelwi? Haiba Ha yo cwalo, Ha ki Mulimu he. Kacwalo, Mulimu, mwa sishemo sa Hae se si sa palelwi sika, Na boni kuli Lucifer na ka eza cwalo, haiba ki Yena yana bupile se. Na ka ba beya fa tukuluho ya kuiketela, mayemo ao. Mi mu sa li ona cwalo fateni, yeo ki niti, kota ya bunde ni bumaswe itomilwe fapila mañi ni mañi wa luna, mu ipangela buiketelo bwa mina. Mi Lucifer ki yena yanali wapili kwa kufita nzila ye maswe. Mi akala ku ipundekela babañwi mwa mulaho wa hae, kueza inge kulube, kulika kunga lika kaufela ku yena, kulika kuhatelela mutu yomuñwi. Mi kwani kona ko ne li kalezi. Cwale, muteezeze ku se. Kwani kona ko ne si kalezi sibi. Mulimu, mwa munahano wa Hae osafeli, na boni seo, mi abona nzila inosi fela . . .

<sup>85</sup> Cwale, mina mizwale ba tumelo ya bulapeli mwa bulaalu, Ha ni bati ku mi utwisa bumaswe, kono kana mukona cwani ka Libizo la Linzwi lelinde la Mulimu kubeya Jesu kuba mutu ya kauhani kuzwa ku Mulimu Kasibili? Haiba Jesu ukona kunga mutu yomuñwi ni kueza kuli aye ayo shwa, ku to liulula mutu yo fa, Ukona kuba mutu wa ketululo. Kuna ni fela iliñwi yeo Mulimu akona kueza ka yona, ikona kuba kunga sibaka sa Hae kasibili! Mi Mulimu aezwa nama kuli Akone kutatuba butuku bwa lifu, kuli ange buhazo ni lifu alifelise kuzwa ku luna, kuli lukone ku liululwa ka Zeli za Hae luli. Ki kabakaleo Uka lapelwa. Jesu nali mutu, luli Nali cwalo. Nali mutu, m-u-t-u, ya pepilwe ki Maria wa mwalyanjo. Kono Moya onoli ku Yena neli Mulimu yasina tikanyo, ku Yena neku yahile mutalelela wa toho ya Bumulimu ka mubili. Nali yena Jehova-jaire, Nali Jehovaraafa, Nali yena Jehova-manasse, Nali yena Jehova; Tebe yaluna, Sisilelezo sa luna, Mufolisi wa luna; Nali yena Alfa, Omega, wa Makalelo ni wa Mafelelezo; Nali yena Wapili, wa Mafelelezo; Nali Yena, Yali Teñi, mi Uka Taha; ki yena Mubisi ni Mwana wa Davida, Naleli ya lilungwe ya Kakusasana, kiñi, Nali yena Kaufela mwahala lika kaufela. Ku Yena nekupila mutalelela wa toho ya Bumulimu ka mubili!

<sup>86</sup> Mi lifu kamita nelina ni buhazo, bo ne li lumisa sicaba ka bona, “Ah,” diabulosi uli, “Ni ku sweli, kakuli u teelelize ku na. Wa mi luma, Ni ka kubeya mwa libita. Mali a ngu ani hakoni ku mi tusa ni hanyinyani, ani ki mali a folofolo fela.” Kono Mulimu,

mwa butali bwa Hae, a ziba kuli kukaba Ngunyana ye ka taha, ye tabilwe haisamba lifasi litomwa. Eeni, sha. Mi bona . . . Na libelezi nako yani, kuli kutahe mutalelela wa nako.

<sup>87</sup> Kono zazi leliñwi hane kutile Ngunyana ye, Muuna yo, Satani mane na bonwi bukuba. A Mu talima kafa ni kafa, mi ali, “Haiba ki Wena Mwana Mulimu, eza *se*. Haiba ki Wena Mwana Mulimu, eza makazo mi ni Ku bone haunzo i eza. Halubone ni Ku bone haunzo eza cwalo. Uh-huh, Ni ka tama lisila kwa sifateho sa Hae, ku Ku nata. Haiba U mupolofita, lu bulelele ya Ku natile.” Hum! “Ha nikoni, Ha ni Ku lumeli Mucaha tuwe. Haiba ki Wena, lu bulelele hande yo Uli yena.” Mwabona, kaufela zona cwalo. “Oh, lu bulelela Yo uli yena!” Na si ka atamisa mulomo wa Hae. Oh, oh, kana Na hohezi lisila la kubo ya hae kwa meto a hae!

<sup>88</sup> A talima kafa ni kafa kwa balutiwa, mi ali, “Ne ni ka bulela Ku Ndate mi Na ka Ni lumela limpi ze lishumi kazepeli za Mangeloi, haiba Ni lata cwalo.” Pilato na si ka utwa sani, mwa ziba.

<sup>89</sup> “Haiba ki Wena! Haiba ki Wena. Oh, yani haki Yena. Kiñi, hamu Mu talime inza lota mali. Yela, babañwi ba mina masole muye kwani mi mu Mukwele mati fa sifateho.” Kukwa mati, ku Mu soma, ba swala mulelu wa Hae ni ku kumula. “Oh, Ha koni! Naw, yani ha ki Yena! Ni ka katela buhazo bwaka ku Yena, mushimani. Ni ka Mu paheka fahalimu fani. Ni Ku sweli cwale!”

<sup>90</sup> Mi ha Na lilile lwa mafelelezo, “Eli! Eli! Mulimu wa Ka! Mulimu wa Ka!” Yani neli mutu. “Kiñi ha U Ni tuhelezi?”

<sup>91</sup> Mwa simu ya Getsemane, tozo ya Mu siya, mwa ziba, Nana ni kushwa sina muezalibi. Na shwile ali muezalibi, mwa ziba cwalo; isiñi libi za Hae, kono zaka ni za hao. Fani kona fo kutaha lilato lani, mwa Na shimbezi zaka! Oh, haleluya, mwa Na shimbezi za ka!

<sup>92</sup> Mi ki Yani nali fani, Na si ka atamisa mulomo wa Hae. Buhazo bwali, “Wa ziba, Ni lumela kuli yani nali fela mutu sina babañwi. Na si ka pepwa ka mwalyanjo, kakuli Ni konile ku katela buhazo bwaka ku Yena.”

<sup>93</sup> Mi ki yo ataha, a cimbeke buhazo bwa hae ku Yena, kono yani neli nako isili, mushimani! A to comola buhazo bwa hae ona fani. Ha sa kona kuluma nihanyinyani kuzwelela ona fani, na siile mulomo wa buhazo bwa hae mwateni. A zuha ka zazi la bulalu, mi ali, “Ki Na yana shwile, mi na pila hape, mi ili kupila kuyakuile, Nina ni linotolo za lifu ni lihele.” Eeni, sha. Na palezwi kubona kuli Nali ya cwani yani. “Mi kakuli Na pila, ni mina muka pila cwalo. Ha ku si ka zibahala kale . . .”

<sup>94</sup> Zazi leliñwi, mazazi amalalu kamba amane kuzwa fani, kasumulaho Amano kambamela ku Ndate, na sa kutile, mi babañwi bali, “Oh, Yo ki . . . U—U swanela kuba sipuku. U

swanela kuba mufuta wa sipuku cwalo Mutangana wateni yo bati. Mi luna . . . Mu Muboni. Muboni pono.”

“Batili, Nali yena Jesu wa niti.”

<sup>95</sup> Tomasi na bulezi kuli, “Pili ni bone mazoho a Hae ni lika kaufela, Ni ka mi bulelela haiba ki yena.”

<sup>96</sup> Mi ali, “Kina Yo fa.” Ali, “Kana kuna ni litapi ze musweli kwateni ni buhobe nji? Amu Ni tiseze liñende.” Mi ba Mu tiseza liñende, mi Anga kwateni mi aca. Ali, “Cwale, kana silumba saca inge mo Ni cела? Kikuli silumba sina ni nama ni masapo sina mo Ni inezi?” Mwabona? Mi ali, “Ki Na luli. Ki na yena.”

<sup>97</sup> Mi Paulusi naize, “Ha ku si ka zibahala kale kuli luka apala mubili o cwani, kono luziba kuli lukaba ni mubili sina wa Hae.” Sikamañi? Kana Akile aba ni mubili wani wa bungeloi nji? Eeni, sha! Ha Na shwile, Bibebe ibulezi kuli “Yena,” ki tulokandina twa mutu hape, “Naile kwa lihele mi ayo kutaza kwa mioyo yeli mwa tolongo.” Haleluya! Cwale Na ezize cwani zeo? Nana ni maikuto a kuswala, Nana ni maikuto a kuutwa, Nana ni maikuto a kubulela, Na kutalize mwa mubili ona wani one Ni boni kubani babafilwe kanya zazi leliñwi. Na kutalize kwa mioyo yeneli mwa lihele, yene si ka baka mwa mazazi a linako za tibebelelo ya Nuwe.

<sup>98</sup> Kono cwale ha Na zuhile ka la Zuho, ne ku sa konahali kuli mubili wani ubone kubola, kakuli Davida mupolofita na u boni kale, “Hanina kutuhelela moyo wa Hae mwa lihele, kamba nihaiba kuli Ni siye Ya Kenile wa Ka kubona kubola. Konohe mubili wa Ka uka pumula mwa sepo, kakuli Ha na kutuhelela moyo wa Ka mwa lihele, kamba nihaiba kuli Asiye Ya Kenile wa Ka kubona kubona.” Mi ka liholo ze mashumi asupile ni zepeli kubola kusika kalisa kale, mubili wa bungeloi wani, ona mubili onoilo kutaza kwa mioyo yeneli mwa tolongo yani, yene si ka baka mwa tibebelelo ya mazazi a Nuwe, wa zuha hape, mi se sishwa sa apala se si sa shwi, mi A yema mane A ca, mi A lubulelela kuli Nali Mutu. Haleluya!

<sup>99</sup> Cwalo kona mo lu ka Mu bonela, Muzwale Evans. Fani ki Ha kaina fa lubona lwa Davida. Haleluya! Fani kona ha lu ka zamaya kukambama ni kushetumuka cwale, Ni ka ya fa musipili ni wena kufita mwahala malundu ka lilimo ze eza lule, mwabona, ikaba mazazi a likani fela, mane ki mizuzu yelikani fela, lu kabe lu fitile kafoo, lu be luyoina kafoo.

<sup>100</sup> Mi hakutaha nako ya kuca, mwa ziba, taba yapili mwa ziba, Kezeli Wood a bulela . . . Se nili, “Kezeli Wood, kihande, noli kai nako ye kaufela? Hani si ka kubona fa . . . kubonahala kuna inge kuli ki mizuzu ye lishumi ka ye ketalizoho.”

“Oh, fo seli myaha yelikana likiti zepeli kwa mulaho, Muzwale Branham.”

<sup>101</sup> “Uh-huh. U ikutwa cwani?” Oh, hakuna mokona kuikutwela kwanda kuikutwa fela hande.

<sup>102</sup> “Ali, amutahe kwanu, bashimani, Ni ka mibonisa nto yeñwi, mizwale, mizwale yaka yeminde. Ki le liweluwelu la mezi fa, amande ku emukile mwanwa fateni. Mi, oh, luka ikungela mezi abata. Ni ka fita fahalimu fani mi ni kayule sisansa sa magilepu, mi kaufela luna luka ina fafasi ni kuca.” Kana zeo halina kuba hande? Ona cwalo luli kona mo liinezi. Kona ona cwalo.

<sup>103</sup> Kana nelungile cwani se? Lu si ziba cwani? Mulimu, kusikaba kale mutomo wa lifasi, na lu lemuhe kale! Kimañi? Bani babali mwa Naha ya sepišo.

*. . . a luketa ka kuikañulela luna kuba bana ba hae ka Jesu Kreste . . . kuya ka kulata kwa hae,*

*Kuli kulumbekwe kanya ya Hae . . .*

Kuli lu Mu lumbe sina Ha bulezi. Sani kona sa Na li sona, Mulimu. Lu bata ku Mu lumbeka.

*. . . kulumbekwe kanya ya sishemo sa hae, sa lufile ka mulatiwa. Ku Kreste lu amuhezwi.*

*Ka yena lu liuluzwi ka mali a hae, mi luswalezwi l-i-b-i . . .*

<sup>104</sup> Ni lukela kukutela kwa kuañuliwa, kono Ni bata kuyema fa “libi” fa ka muzuzu fela. “Libi,” kana mulemuhe seo? Kikuli mwa ziba kuli Mulimu ha nyazi muezalibi ka kueza sibi? U munyaza ka kuba muezalibi. Haiba muezalibi u zuba kwai, Ha mu nyazi ka zeo; yena ki muezalibi, niteni. Mwabona? Mwabona? Hana libi ni zekana, muezalibi hana zona. Yena ki muezalibi ona cwalo, mwabona, hana libi ni zekana. Kono muna ni sibi, mina babali Bakreste. Mulemuhe fa kuli ubulela kwa Keleke. Ku ibeya hande mwa sikuka. Mwabona? Mwabona? “Swalelo ya libi,” l-i-b-i. Lwa ezanga sibi. Kono muezalibi yena ki muezalibi ona cwalo fela, Mulimu ha mu swaleli.

<sup>105</sup> Cwale, mu li, “Kihande, na zwezi kwande mi ayo kunupa mutu. Ki sikamañi so ka eza ka sona?” Wani ha ki musebezi wa ka. Na ha ni muongaongi, Ni mukutazi. Mulao uka tokomela zeo, bona kona baongaongi. Bona ki . . . “Kihande,” bali, “nailo buka.” Sani, sani—sani si itingile kuba mulao. Seo si mwahala yena ni mulao. Na—Na—Na—Na hani muongaongi, Ha ni ongaongi batu kwa petuho. Ni bata kuli ni batuse ba pepwe sinca. Ni mukutazi, mwabona, musebezi waka ki ku muisa ku Mulimu. Haiba uezize sibi, wani ki musebezi wa hae, yena ki muezalibi. Mulimu u mu nyaza fa mayemo a matuna. Ki muezalibi ka kukala, u nyazizwe ka kukala. Mane na si ka fita fa sikala sa makalelo, ha—ha—ha hakuna fainzi. Yena ki muezalibi ka kukala. Yena mane hana nihaiba sibi se sikana, ki muezalibi ona cwalo.

<sup>106</sup> Hamukoni kuzwela kwande ni kubulela kuli, “Bo kwateni ki busihu luli, mi haili bo kwateni ha ki busihu.” Batili, kaufela ki busihu, ki busihu ona cwalo. Ona seo kona sa na bulezi Mulimu.

Yeo ki niti, yena ki muezalibi fela, kufelile. “Cwale, u ezize sakuli, *bo* kwateni ki busihu, *bo* ki busihu bo bubenya fa.” Na ziba, kono kaufela bona fela ki busihu, kufelile. Mwabona?

<sup>107</sup> Hani koni kubulela kuli, “*Le* kwateni ki liseli luli fa.” Batili, ki liseli fela kaufela lona, mwabona, ki liseli fela, hamukoni kubulela buñata. Mwabona? Kono haiba yena ki towati yensu mwahali *mo*, konakuli kuna ni lififi mwahala zona.

<sup>108</sup> Kacwalo “libi,” l-i-b-i, luna ni swalelo ya libi za luna ka sikamañi sa Hae (sikamañi?) Mali, Mali amande.

. . . *kuya ka buñata bwa* . . .

<sup>109</sup> Kana luka li libala cwani? Kakuli lwa swanela, kuna ni se luezize kuli libi zaluna liswalelwe nji? Sikamañi sa hae?

. . . *sishemo*;

<sup>110</sup> Oh, mawi! Hakuna sika mwa mazoho aka se Ni tisa, Mulena. Hakuna se Ni kona kueza, hakuna sika se Ni kona kueza. Mutalime! Na ni lemuhile kale, Na ni bizize, U ni ketile. Ne ni si ka Muketa. U ni ketile, Na mikitile, U ketile luna kaufela. Haki luna lu Mu ketile. Jesu naize, “Haki mina mu Ni ketile, Ni mi ketile.” Na ize, “Hakuna mutu yakona kutaha ku Na konji Ndate Yena luli a mubize pili, mi kaufela ba Ni file Ndate ba ka taha ku Na. Mi hakuna ni yomukana ya latehile, kwanda mwana wa sinyeho, kuli ku talelezwe—ma Mañolo.” Mu li? Ali, “Kono kaufela ba Ni file Ndate ba ka taha ku Na.”

<sup>111</sup> Oh, Ni ya ni liyeha, nji Cwani? Mi ha Ni sika zwa kale ku se. Ha ni si ka kalisa kale ku se. Haluboneni ni akufe, Ni lukela kuba ni sika se si lukile fa kapili cwale, mi lu akufe. Ni lukela kukutela kwa kuañuliwa kwa fa muzuzu fela. Oh, kana muka ni swalela ka—ka muzuzu fela? Ha lungeni se fa, babañwi ba sicaba se ba zwelela kwa Georgia mo ona busihu boo, lifuyolwe lipilu za bona. Cwale, muzwale Georgian, ni Texas ni kaufela ko mu zwelela, muteeleze kwa timana yabu 5 ye. Halu liyeheni fateni ka mizuzu nyana.

*Aikañulela luna kwa—kwa* . . .

<sup>112</sup> Kana linzwi lakuli “kwa” litalusa, linzwi la kuli “kwa”? Li talusa kuli ki sika se lutaha ku sona, kwa. “Ni ya kwa liweluwelu. Ni ya kwa sipula.” Humes, wa utwa kana? “Ni ya kwa sipula.”

Cwale, *A ikañulela luna kwa kuba bana ka Jesu Krete ku yena, kuya ka kulata kwa tato* Hae Luli,

<sup>113</sup> Ki tabo yekuma kai? Neli tabo ya mañi, ki bunde bwa mañi? Bwa Hae. Ki tabo ya Hae Luli ya Kulata kwa Hae Luli!

<sup>114</sup> Cwale, kana kiñi “kuañuliwa”? Cwale haluboneñi ninge se cwale, Hani zibi kamba. . . Hanina kuba ni nako ye kufita ku zona, kono Ni ka ngunyuta fateni. Kona kuli haiba kuna ni puzo, mwakona ku ni buza kasumulaho nyana mwa liñusa, nto ye cwalo. Muteeleze. Kuañuliwa kwa mina ha kona kupepwa

kwa mina. Kuañuliwa kwa mina ki kutomiwa kwa mina. Ha ne mu pepilwe sinca, Joani 1:17, Na lumela, ha lu pepwa ka Moya wa Mulimu, lu bana ba Mulimu. Kono ne lu lelilwe isale kale koo. Cwale ki se se Ni lika ku mi tolokela, ku mwana wa lizazi la maungulo le, mwa bona. Ku. . . Mwabona? Ne lu lelilwe isali kafoo kutaha (kwa) kuañuliwa.

<sup>115</sup> Cwale, cwale ki luna ba fa. Cwale, se kona se si holofaza Mapentekota hanyinyani. Ba bulela kuli, “Ni pepilwe sinca! Kulumbwe Mulena, ni filwe Moya o Kenile!” Kihande. U mwana Mulimu. Yeo ki niti. Kono niteni seo hakisona se Ni ambola ka sona. Mwabona, ne mu lemuhilwe ka kuañuliwa. Kuañuliwa, ki kutomahanyiwa kwa mwana.

<sup>116</sup> Ni sutelezi hahulu ku sani, kakuli Becky uni bulelezi kuli Ni sutelelanga hahulu bukaufi ni sona, ha mu utwisisi kwa mulaho. Ni ya. . .

<sup>117</sup> Mwabona, ki mwana. Ki babakai baba ziba milao ya kuañuliwa mwa Testamente ya Kale? Eeni sha, mu ilemuhile. Mwana wa mushimani hana pepwa. Ni sepa kuli Ni na ni zeo mwa kutazo yeñwi. Ki sikamañi sani, Gene, wa hupula? Siteni fa tepu. Oh, neli sikamañi sani? Ni—Ni—Ni—Ni ngunyutile fateni. Oh, eehe, Ni li fumani, *Mu Mu Utwe. Mu Mu Utwe*; kuañuliwa kwa bana.

<sup>118</sup> Cwale, mwa Testamente ya Kale, haiba—haiba mwana hana pepwa mwa lubasi, nali mwana ha na pepwa, kakuli na pepwa ki bashemi ba hae, nali mwana wa mushimani wa lubasi mane ali muca sanda sa lika kaufela. Cwale, kono mwana mushimani yo na huliswa ki baluti. Magalata, kauhanyo ya 5, litimana za 17 kuya fa 25. Ku lukile. Na huliswa ki baañuli, bababaleli, baañuli. Cwale, ka mutala, haiba ne Ni kaba ni mwana mushimani, nili, Ni ndate mi. . .

<sup>119</sup> Mi leo kona libaka mwa litaba za King James, ki babakai ba bakile ba hupula kubala taba ye sehisani yani mwa Toloko ya King James, ili, “Mwa ndu Ya Ndate kuna ni miyaho yemiñata?” Ndu, miyaho yemiñata. Mwabona? Luli, haili mwa—haili mwa mazazi a kutoloka kwa Bibe ki King James, ndu ki “sibaka sa kuina.” “Mwa sibaka Ya Ndate kuna ni miyaho yemiñata.” Isiñi ndu, miyaho, kono Na bizwa kuli Ndate wa sibaka sa kupila kusona se. Nebana ni zona kuya ka Bibe, mwa Bibe kona mo kuinezi ona cwalo.

<sup>120</sup> Mi ndate hana nani simu yetuna yelikana ni litema tuna, kamba nto yeñwi ye cwalo, naba ni batu bene ba pila *fateni*. Nana ni kukenya batu musebezi bene bapila *kwanu* kuli ba mutuse ku babalela lingu, nekuna ni babañwi *kwanu* bene ba mu babalelela likomu, nekuna babañwi *kwanu* bene ba ya kwa ñambamo kwani ka limaili ze mwanda cwalo, mi nana ni babañwi babañwi *kwanu* bene ba mu babalelela lipuli, mi nana ni bene ba mu babalelela limule za hae ni—ni lika zeshutana.

Na—na nani mubuso omutuna luli. Mi ki ha pahama pelesa ya hae yenyinyani mi apahama ku yeñwi ni yeñwi ni kubona mo ne li zamaela, kukuta lingu ni lika kaufela ze cwalo. Na sina nako . . .

121 Hamukoni ku ni utwa ha Ni zamaya cwalo. Ni—Ni—Ni ka lika kuina kwamulaho kwanu. Kana mwa ni utwa hande cwale, fa? Mutalimele.

122 Apahama ni kufunduka, mane aikela, inza lika ku—ku babalela mubuso wa—wa—wa hae. Kacwalo he ubata . . . Mwana wa mushimani yani kuli abe muca sanda kwa lika kaufela za luwile. Ki muca sanda.

123 Mi cwale ha lu pepwa mwa Mubuso wa Mulimu, ka Jesu Kreste, lu bo muca sanda sa Lihalimu, lu baluwi hamoho ni Jesu, kakuli Na ngile sibaka sa luna. Natiloba luna (sibi), kuli lukone kuba Yena (kuluka). Mwabona? Na tiloba na kuli Ni kone kuba Yena, mwabona, baluwi hamoho ni Yena. Ku lukile, cwale muhupule seo, ku mañi ni mañi wa mina.

124 Cwale, muhupule, Mulimu na mi lemuhile kale, ka kuziba kwa makalelo, kuli ne mu taha ku Se. Mañi ni mañi ya utwisisa, ananule lizoho la hae, mwabona. Mulimu, ka kuziba kwa makalelo, na mi lukiselize kale kuli mutahe mwa Naha ya sepiso. Ki ifi Naha ya sepiso ku Mukreste kacenu? Mu nanule fela lizoho la mina haiba mwa ziba. “Sepiso iku mina ni kwa bana ba mina, ku bao babali kwahule. Mi ku ka ezahala kuli mwa mazazi a maungulo, kubulela Mulimu, kuli Ni ka sulula kwa Moya wa Ka fahalimwa libupiwa kaufela, bana ba mina ba bashimani ni basizana.” Mi nwa Isaya 28:18, “Mulao ulukela kuba fahalimwa mulao, mubamba fahalimwa mubamba; fa hanyinyani, fani hanyinyani. Mu kumalele zende. Kakuli ka milomo ya sikukuma ni mishobo isili Ni ka bulela kwa sicaba se. Mi ye kona pumulo, (ki—ki Pumulo) naha ya sabata ye Ni bulezi kuli balukela kukena kuiluwa. Mi, ka ze kaufela, ba palelwa kuutwa, kono ba sisinya litho za bona ni kuikela, mi batokwa ku Li utwa.” Mwabona? Luli.

125 Neli sikamañi sani? Kuswana fela inge sicaba sani sene si zwile mwa musipili kwa Kanana, kamba kuzwa mwa Egepita, musipili kaufela kufita mwa lihalaupa, mi ni kuto fita bukafu, kufi luli kwa ku tamuna magilepu a naha. Muzwale, fani, batu bani babata ku ni kutiseza kwa Maheberu 6. Kikuli Ni kona kuezwa cwani? Bani ki balumeli ba sihalihali, habana kusilela mwabuse! Habakoni kusilela mwabuse. Jesu na bulezi cwalo.

Neba ize, “Bashemi ba luna neba cile manna mwa lihalaupa.”

126 Mi Jesu ali, “Bona, kaufela bona, bashwile.” Bao ba kauhanyizwe. Bona, kaufela bona, bashwile. Yeo ki niti. Ali, “Kono Na kina Sinkwa sa Bupilo se si zwile ku Mulimu wa Lihalimu. Mutu ya ca kwa Sinkwa se, haana kushwa. Yeo ki niti.

Eeni, sha, una ni Bupilo Bobusafeli haiba a ka ca Se, ki Na Kota ya Bupilo yani yezwile mwa simu ya Ezeni.”

<sup>127</sup> Cwale, mwabona, sicaba se sa taha hahulu fakaufi! Mwabona, haiba mu lemuha mwa Maheberu 6, ha ki kukutela ku sona, kono mwa Maheberu 6, “Sicaba se hane si ezizwe kuca kwa sanda, kutaha fa kaufi, ni kuto lwaza kwa mpo ya Lihalimu.” Baina fafasi, baboni foliso haiezahala, ba boni sicaba mwa mata a Mulimu, ba boni bupilo ha bucinca, kono ba palelwa kubeya lizoho fa Teni. Batili, sha. Batili, sha. “Mi ba lwazize kwa mata a lifasi le litaha; mi haiba balika ku ncaafazwa bao kwa kubaka, ka kubona kuli—kuli ba ikokotelela Mwana Mulimu sinca, mi ba keshebisize Mali a bulikani ao bakenisizwe ka ona . . .”

<sup>128</sup> “Ni wa keleke yelumela mwa kukeniswa.” Sani ki sesinde ka mo siutwahalela, kono hamufiti fahule hahulu. Mwabona? Eeni, sha. Lihalaupa kona lene li ba kenise. Eeni, luli. Nebana ni—nebana ni noha ya kopa mi ni—ni aletare ya sipi, ni lika zeñwi kwani kaufela, kukeniswa, kono ba yo kena mwa Palestine kwa pumulo. Nebasika . . .

<sup>129</sup> Mutalimele mwa Maheberu 4, kikuli haba buleli ka za “Pumulo yeñwi nji”? Mulimu na bupile lizazi la busebene ni kubafa pumulo ka lizazi la busebene. Sibaka sesiñwi abulela ka lizazi la pumulo, “mi kacenu ku Davida.” Cwale Wa ba fa Pumulo yeñwi, “Mutahe ku Na kaufela mina baba katezi ni mitiyo yebukiti, Ni ka mifa Pumulo.” Mukene mwa Pumulo ye! Kakuli luna babakeni mwa Pumulo ye lutuhezi misebezi yaluna sina Mulimu mwa na pumulezi ku ya Hae ka la sabata. Kaniti. Yani kona sabata yamina, Pumulo. Ki yeo Pumulo ya mina ya niti mwa Naha ya sepiyo ye.

<sup>130</sup> Moya o Kenile kona sepiyo ya sicaba. Mi ki kabakalañi hane ba ka bata bakutazi baba itutile baba ba lumeleza kutina tuputula ni kukuta milili ya bona, ni kuipenta fa milomo, ni muuna ya laula ni kunwa macwala ni kubulela litaba za lisheha, ni kuzwelapili mwa lika zecwalo, mi baipize kuli ki ma membala ba keleke? Kiñi, bakona kuamuhela sika se si cwalo ni kuhana zamaiso ya Moya o Kenile! Kiñi, Bibebe ibulezi kuli Linzwi la Mulimu libuhali kufita mukwale o lozizwe kafa ni kafa lipuma fahala makaunaheno a mooko ni masapo, mane liatula maikuto ni milelo ya mwa pilu. Eeni, mane ni yona mihupulo ya mwa toho!

<sup>131</sup> Mi haiba lu lata lifasi kamba lika za lifasi, lilato la Mulimu haliyo mane ni ku luna. “Babañata ba bizizwe, kuketilwe ba banyinyani; kakuli munyako wa kumbana mi nzila ki ye sisani yeisa kwa Bupilo, mi ki ba banyinyani baba ifumana. Babañata ba ka taha ku Na mwa lizazi lani mi ba toina mwa Mubuso,” Jesu naize, “ni Abrahamama, Isaka ni Jakobo. Kono haili bana ba mubuso ba ka lelekelwa kwande, ni kubulela kuli, ‘Mulena, kikuli ha lu si ka eza se ka Libizo la Hao? Kikuli ha lu si ka



kutaza? Kikuli ha lu si kaba luna Dokota wa *Kuli-ni-kuli* ni Revurende wa *Kuli-ni-kuli*? Ha ni mi zibi. Muzwe ku Na, mina baezi ba ze maswe, Nali kuba ni mi zibe. Ha ki kaufela yali, ‘Mulena, Mulena,’ yaka yo kena. Kono ki ya eza Tato ya Hae yena Ndate ya mwa Lihalimu, yani ki yena ya ka yo kena.”

<sup>132</sup> Kifo he cwale, kukena mwa Naha ya sepiso ye. Lu kena cwani ku yona? Lu lemuhilwe kale ku yona. Keleke, ka kuzibiwa kwa pili kwa Mulimu, lu lemuhezwi (kwa sikamañi?) kwa likuta la Hae, ka sishemo sa Hae, kwa kanya, ni milapelo ni kanya ya Mulimu. Papa, nainzi kwa mulaho kwani kwa simuluhu, yaipupile ili yena, nekusina sika sene sili ni Yena, na bata sa ku mulapela, kacwalo A tomela cimo ni ku lukiseleza cimo keleke, mi mutomo wa lifasi u si katomwa kale, mi abeya mabizo a bona mwa Buka ya Bupilo ya Ngunyana, yene. . . tabilwe kusikaba kale mutomo wa lifasi, kuli ba bonahalele kwa kanya ya Hae ni kwa milumbeko ya Hae kwa maungulo a nako, ha lu ka kopanya lika ze kaufela ku yena Muuna alimuñwi yani, Kreste Jesu. Whew! Kanya! Kona cwalo. Sani fela. . . Mi sani ki sona ona foo, muzwale wa ka, kezeli. Usike wa be uzwa ku Sona.

<sup>133</sup> Mulimu, ka sishemo sa kuketa kwa Hae, u kubizizea. Mulimu, ka sishemo sa kuketa kwa Hae, uku kenisize. Mulimu, ka sishemo sa kuketa kwa Hae ni mata a Hae, a ku kolobeza mwa naha ya Pumulo ye. Babase ba keni mwa Pumulo ye ba pumuzi kwa kulateha kwa bona. Ba tuhezi misebezi ya bona sina Mulimu mwa na ezelize ku ya Hae. Bana ni tabo ye sa konahali kubulelwa, mi batezi kanya! Kota ya Bupilo ya tubula mwahali ku bona. Bana ni pilutelele, ba musa, bunde, tibeledo bana ni tumelo, tumelo, baishuwa, bana ni musa, ni zeñwi cwalo. Kota ya Bupilo ya tubula mwahali ku bona kakuli sepo ya bona iswalelezi ku Kreste Jesu, yena paki ya Moya o Kenile inze ipakelana ka lisupo ni ze komokisa ze latelela balumeli. “Lisupo ze li ka latelela ba balumela.” Habanze ba zamaya cwalo, ba folisa bakuli, ba leleka mioya ye maswe, ba bulela ka malimi, ba bona lipono. Bana. . . Mi ba zamaya ni Mulimu, ba ambola ni Mulimu. Hakuna diabulosi yakona ku ba lyanganisa, ba pumuzi kapili, balibelezi ñi. . . ? . . . Balibelezi lika za kwa mulaho, ba ikataza kufita fa sibaka sa pizo ye pahami ku Kreste Jesu. Ki bao foo. Ki bao foo. Yani kona Keleke.

<sup>134</sup> Kana neba fitile cwani fani? Hamukoni kubulela kuli, “Kihande, Mulena, Wa ziba, zazi leliñwi ne Ni kalile kuzuba kwai, mi se Ni wa, mi Na hupula kuli Ni. . .” Oh, batili, batili, batili, batili.

<sup>135</sup> Kulemuhiwa kale! Na lu bizize mi lwa Mu latelela kona fo lu bulelela kuli, “Mulimu, ne lu latehine mane nelusina tuso. Mane nelusina nihaiba muhupulo wa luna bañi. Neluli sibupeho sa kulube, neluli likulube ka kukala.”

136 Mu zwele kwa mulaka wa likulube mi muyo talimela kulube ya kale yehulile ya musali, mi muli, “Cwale, talimela kwanu, kasizana tuwe, Ni bata ku kubulelela nto yeñwi. Ha ki hande kuli unwe sileze.”

137 Neika bulela kuli, “Oink-oink.” Mwabona? Cwale, zeo ki za kuipabalela fela ili wena ka zona. Yeo ki niti.

138 Mu li, “Kalibe, ha ulukeli kutina liapalo ze cwalo, ulukela kutinanga hande. U lukela kueza *sakuli*. Ha ulukeli kuya kwa... Ha ulukeli kuba ni makadi a mikiti ao. Ha u lukeli kuzuba makwai. Ha ulukeli kueza *cwalo*. Muñaka, ha ulukeli kulwala *seo*.”

139 U ka bulela kuli, “Oink-oink. Ni wa siemba sa ba *Oink-oink*.” Uh-huh. “Oink,” ki zona fela za ziba ona zeo. “Kihande, Ni ka ku bulelela uzibe kuli Na swana mane ni wena ona cwalo moinezi. Oink-oink!” Mwabona, ba hana tamaiso ya Moya o Kenile, kakuli Bibebe ibulezi kuli haiba mulata lifasi kamba lika za lifasi, lilato la Mulimu mane haliyo nihaiba ku mina.

140 Ki sikamañi se si baeza kuba babaipitezi? Mina mu naha ye kenile. Ki sikamañi se muezize? Mukeni kuzwa mwa naha yani. Mu se mukeni mwa Naha isili. Mufitile cwani kwa neku leo? Yani kona Naha ya sepiso. Ki sepiso yecwani? “Ku ka ezahala mwa mazazi a maungulo kuli, kubulela Mulimu, Ni ka sulula kwa Moya wa Ka fa libupiwa kaufela.” Ka Moya ulimuñwi luna kaufela lu kolobezwa mwa Naha ya sepiso ye. Amen. Mizwale ni likezeli, haleluya, ka lipilu ze kenile, zesina muna, zesina sitoyo, hakuna! Hanina taba kamba muzwale wa keluha, hakuna taba ka sa eza, mukaya ku mu bata bata.

141 Neni ilo bata muzwale yomuñwi ha ki kale hahulu, yana keluhile. Mucaha cwana ali ku na, ali, “Mutuhele sikatazi yani azamaye. Mutuhele fela ona cwalo.”

142 Se nili, “Haiba Ni ka fita fa sibaka sakuli pilu yaka ha izamaeleli hamoho ni muzwale waka, kona kuli seli nako yakuli niye kwa katala, kakuli Ni wile kwa sishemo.” Se nili, “Ni kaya haibile fela una ni bupilo mwa mubili wa hae, mi Ni ka mu katanyeza kokuñwi mwa musipili.” Eeni, sha. Mi se Ni mu swala, haleluya, na mu kutisa. Eeni, sha. U kutezi mwa mulaka hande cwale. Eeni, sha. Na kaya kukeluha kulateha ka buino bwa lifasi.

143 Nako nyana yefitile hane Ni boni musali ya shebile yomunyinyani yani yainzi fani, mi muzamaisi wa mulao a ni biza, ali, “Kiñi, na lukela kuba mwa baki yeñola hahulu.” Ali, “U tabezi hahulu, u lyangani mwa toho.” Una—una, ba mu beya mwa hotela. Ba taha.

Se nili, “Kaufela ki zende.”

144 Ali, muzamaisi wa mulao ali, “Kiñi, Billy!” Na mu ziba hande, mi ne ni muziba kukala inge Ni sali mwanana. Ki hali, “Haiba kuba ni sika kaufela se Ni kona kueza kuli ni kutuse.”

Se nili, “Zeo li lukile.”

Ali, “Kana wakona kumutusa?”

Se nili, “Batili, kono Yena wakona.” Se nili, “Fa muzuzu fela.”

145 Kacwalo ba mutisa kwande kwani. Mi ha na saile, mwa kozo. Neli sikamañi sani? Lwa mu lumela tapelo mwa mulaho wa hao. Amen! Na li ya cwalo. . .

146 Mi sebali, “Kikuli ubata kunga dokota?” Ali ku muuna hae, “Kikuli ubata kunga dokota?”

147 Ali, “Dokota hakuna sa kona ku muezeza.” Mi yeo ki niti. U takani; dokota hakuna sa kona ku muezeza.

Ali, “Sepo yaluna fela ki kuya *kwateni*.”

Mi ki hali, “Billy, Ha ni utwisisi seo.”

Se nili, “Ha ni kulubeli kuli wena ube, mwabona. Ha ni kulubeli kuli wena ube cwalo.”

148 Kono, oh, mawi, mane Nina ha ni utwisisi! Batili. Kono, muzwale, Mulimu mwa Lihalimu. . . Nenili kwahule, kwahule nako yeñwi, Sesiñwi sa ni tahela. Amen! Ne si kuli Ne ni bata kutaha, kono, batili, Sesiñwi ne si ni tahezi. Kakuli kusikaba kale mutomo wa lifasi, Mulimu na lemuhile kale, haleluya, kuli lu kaba ha Hae, kwa likute la Hae ni kanya. Muteeleze! Bona Ba zibile kale, U ba ezize cwani? Babizize. Yeo ki niti? Kana U mi bizize? Eehe! Ki kabakalañi Ha mi bizize? Na mi zibile isali kafoo. Bona Ba zibile kale, U ba bizize; bona Ba bizize, U ba beile baba lukile. Kana ki niti yeo? Mi ni bona Ba beile baba lukile, Uba file kanya! Amen! Seo kona se ibulezi Bibebe. Bona Ba zibile, U ba bizize. Lusika lufi ni lufi kaufela! Bona Ba bizize, Uba file kale kanya. Sikamañi? Haluboneñi ni bale Liñolo fa. Ku lukile.

*U ba zibile ka kuañuliwa kuli babe bana ka Jesu Kreste yena kasibili, kuya ka kulata kwa Tato ya Hae. . .*

*Kwa tumbo ya kanya ya Hae Luli. . .*

149 Oh, kikuli mwa utwa? Kwa tumbo ya kanya ya Hae! Kuli Aine mwa masika a Kuyakuile a linako zetaha kwapili, mi bana ba Hae ba huwe kuli, “Abba, Ndate! Abba, Ndate!”

150 Mi Mangeloi abulela kuli, “Ki sikamañi se ba bulela? Ki sikamañi se ba bulela?”

151 Zeo li tatuluzwi hande ku mwana wa litaswa. “Ne ni latehile.” “Yo ki mwana ke. Na latehile mi cwale u fumanwi. Na shwile, mi wa pila hape. Amutise namani ye kima, sapalo se sinde, lisale ni kulibeya kwa munwana wa hae. Mi halu. . .” Ki kabakaleo linaleli za kakusasana hane li opela hamoho, bana

ba Mulimu ne ba huweleza ka tabo, ha ba bona mulelo wa kupiliswa, Mulimu na beile libizo la mina mwa Buka kusikaba kale mutomo wa lifasi.

<sup>152</sup> Cwale muli, “Ba Kalvini ba lumela nto ye cwalo.” Ne ni sa lumeli mwa Bukalvini. Kalvini nali mubulai. Kalvini ibulaya mutu bakeñisa kuli u kolobelizwe ka Libizo la Jesu. Nali muhanyezi, na tokwa kufetulwa kubaka, yena kasibili. Eeni, sha. Kono sa na bulezi, ka lika zeñwi za na bulezi, yana lukile. Musike. . . kono seo ali sona. . . Likezo za hae, mutu ya bulaile mutu ka nto yecwalo, sani sa sabisa, sani ki sibi. Ku lukile.

*Ili ko a lu fumusize. . .*

<sup>153</sup> Oh, mulibelele, Ha ni si ka amuhela seo “kuañuliwa,” Nji cwani? Kana Ni liyehile nji? Halu boneñi se ibulela waci ye fa, ki nako yekumai ye lu sialezwi. Ku lukile. Fela—fela halungeni mizuzu yelishumi bakeñisa sicaba se si zamaile musipili omutelele. Mutalime. Mutalime.

<sup>154</sup> “Kuañuliwa,” haluboneñi ni mi bonise mo li ezezwa cwale. Ndate una ni mubuso omutuna, uzamaya kafa ni kafa. Cwale una ni mwana wa mushimani ya pepilwe. Oh, u tabile hahulu! (Yani ki Mulimu.) Kacwalo mwa ziba sa eza ndate yani? U fumani mubabaleli ya sikwala luli, muluti. Kana mwa ziba yo muluti ali yena, nji cwani? Ki muluti ya cuukile wa sikolo. U fumana muluti ya cuukile wa sikolo ya kona kufumaneha mwa naha kaufela. (Mi cwale lwa ya cwale, muteeleze.) Mi ufumana muluti ya cuukile wa sikolo yo akona kufumana. Ha bi fela muhanyezi, ubata mushimani wa hae kuli abe mutu yomunde.

<sup>155</sup> Kana mina hamulati bana ba mina kuba cwalo? Luli, zende ze mukona kubafa! Eeni, sha. Kacwalo haiba mutu wa nama na ka hupula cwalo, ki sikamañi se mu nahana kuli Mulimu unahana ka bana ba Hae? Zende zeo Akona kufumana.

<sup>156</sup> Kacwalo, ubata mutu yaka sepahala. Cwale, isiñi muuna wa. . . ubata mutu ya ka li, “Cwale, mutalime, Na—Na. . . Junior, muezze fela lika ze mubata kueza, mulatiwa.” “Oh, eeni, ndate, uh-huh, u zamaya hande cwalo, ki mushimani yomunde.” Ku mu nata nata fa mukokoto hanyinyani ni kacwani kwa kuwani ya hae. Batili, batili. Mushimani yani wakona ku lelekwa musebezi cwale. Luli. Ubata mutu ya kaba ni miselo yeminde. Haiba mushimani yani uhula hande, mu mubulelele. Haiba ha yoo cwalo, mumu bulelele se si fosahalile.

<sup>157</sup> Mi haiba ndate wa lifasi na hupuzi sani. . . Kana hamutabeli kuba ni mutu yakona ku sepahala ni mina, muluti wa cuukile wa sikolo a sepahale ka bana ba mina? Luli. Kihande, munahana kuli Mulimu unahana sikamañi? Mi Wa ziba; luna halu zibi, Wa nahana cwalo. Luna kuna ni fo lu palelelwa, halukoni kubulela. Kono Yena haana fa palelelwa mi wa ziba.

<sup>158</sup> Kacwalo, mwa ziba sa na ezize Ndate? Na si ka bulela kuli, “Ni ka ba ni pope kuli ani tokomelele bana ba Ka.” Kamba

nahaiba kuli Abulele kuli, “Ni ka ba ni bishopu.” Batili, batili. Na si ka eza cwalo, kakuli Na ziba kuli pope na ka fosa, kona mwa na ka bela ni bishopu. Mwabona? Na si ka bulela kuli, “Ni kaba ni nduna wa mutoneli kuli a ni tokomelele likeleke za Ka.” Batili, batili.

<sup>159</sup> Na bile ni Moya o Kenile. Yani neli yena Muluti wa Hae, uhuh, kuli a uhulise bana ba Hae. Ku lukile. Kona kuli nemuka ziba cwani kuli Moya o Kenile wa ziba cwalo? U bulela ka milomo ya batu. Konakuli nemuka ziba cwani kuli U bulela Niti? Ha mubona Moya o Kenile haubulela ka milomo ye bulela Niti ona cwalo ka nako kaufela, kunuha mi li to ezahala ona cwalo ka kupetahala, sina Samuele mwa na bulelezi, konaku mu ziba kuli yeo ki Niti. Itahe ona cwalo ka swanelo. Kakuli Mulimu naize, “Haiba abulela mi sa bulela ha si ezahali, musike mwa mu utwa, kakuli Ha ni yo ni yena. Kono haiba za ezahala, kihande, konakuli mu mu utwe, kakuli Ni na ni yena.” Mwabona? Kifo he cwale. Cwalo kona Mwa ezezanga.

<sup>160</sup> Cwale, konakuli U ya kafa ni kafa. Cwale, ki sikamañi se munahana kuli Muluti yani na ka bulela kambe Na ka ya ku Ndate? Mi ali, “Bana—Bana ba hao baeza likezo zemaswe. Na Ku bulelela, yena mushimani wa Hao yani, yena kwateni, hum, ki mukwenuheli. Usweli kufita kai ni kai, Nali kuba ni bone fateni mutu ya cwalo! Mawi, Wa ziba sa sweli kueza kana? Ni yena musizana wa Hao yani awa! Oh, whew, Ha ni zibi So ka eza ni yena. Hmm. Kihande, Wa ziba kana? Ubonahala mane inge kuli una . . . U ipetankile mubili kaufela mane inge basizana babañwi kwani. Mufilisita. Eeni, Sha, ubata kueza likezo zeswana ni ze baeza.”

“Mwana ke wa musizana?”

<sup>161</sup> “Eehe, mwana Hao wa musizana.” Seo kona Moya o Kenile una ni kubulela ka keleke kacenu. Kona ha lu sa koni kuba ni ancafazo. Mwabona? Cwale, yeo ki niti.

“Kucwani he ka mwana Hao wa mushimani yo? Huh? Kinto yeswana.”

“Sikamañi?”

<sup>162</sup> “Kihande, Wa ziba kuli kamita Ubile ubulela kamita kuli lingu zani li lukela kufula mwa mafulo kulo kwani kwa Sico sa lingu kwani. Eehe, Wa ziba sa na ezize? Na li isize kwani mwa sibaka sa libunda la bucwani. Na li isize kaufela kwani ni ku yo li yubeka mwa kasa kani, ni ku yo li butisa fa libunda la bucwani lani, inge lica mataka akale ani, mi mane hakuna ze li ziba halikoni kuzwa teni fani.” Bani ki ma bishopu, balisana baba latula Mata ateñi. “Kihande, Ni Ku bulelela niti, Nali kuba nibone fateni sikwata sa mutapi wa lingu ze ikalezwi cwalo mwa bupilo bwa Ka.” Yena ha tabela cwalo. Batili. “Mi kana Wa ziba kuli kiñi? Ona likomu zani kwanu, Wa ziba U—U li bulelezi kuli lifulange fa—fa fahalimu fani, Wa ziba, kuli likone kununa?”

“Eehe.”

“Wa ziba za sweli kulifa?”

“Batili.”

<sup>163</sup> “Ona bucwani bwa kale bwa lisipi bwani. Eehe. Uba eza kuli ba ikopanye mwa tutengo ni lika kaufela. Hausika bona baba swana ni bupilo bwa Hao mwateni. Ha u si ka bona ba ba cwalo mwa bupilo bwa Hao kaufela. Wa ziba kana sa sweli kueza? Uzwela kwande kwani ku yo zuba kwai ya mushanga omutuna, ya lutilwe hande. Uinzi ni musala hae kwateni, utinanga tuputula inge Mafilisita mo ba ezeza kwande kwani. Eehe.” Wani kona mufuta wa liñusa o Moya o Kenile una ni kulwala ka keleke kacenu. Cwale, ki sikamañi se mu nahana ka seo?

<sup>164</sup> Ko ki kuañuliwa. Sa Na . . . ki sikamañi sa Na ezize? U lu bizize kutaha—kutaha kwa kuañuliwa. U lufile Moya o Kenile; kono, hamu libelele fa muzuzu, kuañuliwa, seo kona se lu bulela ka sona. Kuañuliwa!

<sup>165</sup> “Kihande, Wa ziba sa eza? Bishopu natile ka zazi leliñwi, mi abulela. Nana ni sebeldezo nyana ya foliso kulo kwani, mi ni bishopu ataha cwalo. Mucaha yomuñwi, muzwale ataha ni yena mi na sweli kulapelela bakuli. Mi ki hali, ‘U tuhele zeo!’

“‘Oh, oh, eehe, ndate bishopu, Ni ka eza cwalo.’

“‘Usike wa utwahala ni bona.’

“‘Oh, batili, batili, ndate bishopu, luli usike.’

<sup>166</sup> “Mi fa se Ni to mu bulelela Niti yezwelela mwa Linzwi la Hao. Mwabona, ki Ye fa. Ni mu balezi milao ya Hao ona cwalo luli sa kueza, kono uhanile ku iteeleza. Mi ali, ‘Oh, zeo neli za lusika lusili, mwana yomuñwi wa nako isili. Sani ha si talusi na.’” Kifo he cwale. Sani, cwale yeo ki Niti, mulikani. Cwale hamuboni keleke fo isweli ku latehiseza mutomo wa yona, libaka ha lusina ancafazo, libaka halusina lika ze sweli kuezahala? Fani kona fo litomile.

<sup>167</sup> Joshua naize, “Gadi, Ni bata kuli wena . . . kise fa sibaka sa hao kuya ka tukiso ya mutomo, sibaka sa hao ki se fa, ona fa. Ukene ku se, Gadi, mi uyahe fa. Benjamine, wena ushetumuketo neku le. Mi cwale mina kaufela mupile kwahule ni museto wa Mafilisita.” Mi Joshua ha yo kuta, ki ba kaufela mwahala Mafilisita, inge bana ni mukiti omutuna luli, neli kubina fela ona cwalo, ni basali kaufela inge ba ipetankile mibili kaufela, inge ba bina kupotoloha ni kuba ni nako yende. Mi Joshua uñwaya mwa toho, ni kubulela kuli, “Cwale ki sikamañi?” Cwale seo kona se si sweli fela kuezahala; isiñi kaufela, lulumba Mulimu, isiñi kaufela, kono babañata luli. Ku lukile.

<sup>168</sup> Cwale ki sikamañi se si ezahala kasamulaho? Sani kona sene si ezahalile. Kana ha mu lemuha kuli Muuna yani, yena Moya o Kenile, u halifa fapila Ndate ha Na ni kubulela cwalo? Oh, mawi!

“Ni—Ni—Ni mu bulelezi, kono u—u—u hanile ku Li utwa. Ni mu bulelezi zona, ni ku mu balisa zona mwa Buka. Ni bile—Ni bile ni mukutazi yomunyinyani yana tile ni ku mubonisa kuli Jesu Kreste ki ya swana maabani, kacenu, ni kuyakuile. Mi kikuli Wa ziba? Na lumelize alimuñwi wa bona—alumeleza alimuñwi wa bona balisana ba lipuli bani kutaha kwanu ku to mu bulelela kuli zani neli za lusika lusili. Mwabona? Mi a nunka bumaswe hahulu ka nako ya fita kwani, inza nuka fela lipuli, Wa ziba, kwai, mi Wa ziba, ni zeñwi cwalo, anunka bumaswe hahulu ha fita kwani. Mwabona? Kono na Ku bulelela, yena mulisana wa lipuli yani nana ni likunupo za mipuzo ze beilwe ku yena, kakuli, Na Ku bulelela, haiba Uka ñola libizo la hae mwa pampili, ikona kunga (likande la lifu la hae) kunga licika la pampili kutala kuli ubulele malumbatina a hae fela. Eeni, Sha, kaniti ba mu tabela mwa naha yani, kono, Na Ku bulelela, yena mane ha zibi kubabalela lingu. Yani ki nto iliñwi ka zona. Fela ha Ni utweli,” kubulela Moya o Kenile. “Ni likile ku mu bulelela kuli Wena uya swana maabani, kacenu, ni kuyakuile, kono yena—yena ha lati fela kueza cwalo. Ki lipyeha lelituna hahulu ku e Ni kile nabona fateni mwa bupilo bwa Ka. Eehe. Mi keleke imuezize kuba mutoneli, kuba bishopu, zeñwi cwalo, sicaba kaufela sa mu teezeza. Mi kana Wa ziba kuli kiñi? Ba nga bani. . . bana ni nto nyana kwani ye ba biza kuli ‘mazimumwangala.’ Wa ziba kutukisa nto nyana yani cwalo, mi—mi basali bani batile mi ba zwelapili ona cwalo, kaufela bona mwa mufuta wa kutina fela licika. Mi, Wa ziba, buñata bwa baikulu Hao ba basali ki neku la- . . .”

“Oh, kaniti haba cwalo!” Mwabona?

<sup>169</sup> Muli, “Eeni, ki bao. Eeni, basweli kueza ona cwalo. Hum. Babañwi ba kubona basweli kulilela ancafazo, Ndate, babañwi ba bona luli ba ibata katata. Babañwi ba bona basweli kuzamaya mwa nzila yateni, babañwi ba bona bayemi ka kusepahala ni ka niti fa Linzwi ka mo bakona kubela. Babañwi, Ha ni zibi sa kueza, kiba—kiba ba fumaneha kwande kafoo. Mwa ziba se ba eza babañwi bani? Kuba eza lisheha, kuli, ‘Ki siemba fela sa likuba.’”

“Kihande, sani si Ni eza kuikutwa fela bumaswe.”

<sup>170</sup> Kono cwale halu cinceni siswaniso. Cwale Ndate, mwana Hae ki mushimani yomunde. Ndata He uteni—uteni hamoho cwalo, ki yo fa Muluti, yena Moya o Kenile. Ka nzila yeo Moya o Kenile, Na ize, “Ni ka zamaya,” Muluti ali, “Ni ka. . .”

<sup>171</sup> Mwana ali, “Ni ka zamaya hamoho ni Wena. Ni ka zamaya hamoho ni Wena.”

“Oh, lilundu ki lelitelele luli, mushimani.”

<sup>172</sup> “Ni ka zamaya hamoho ni Wena. Nina ni sepo ku Wena. Haiba Ni kala kukatala, Uka nanula lizoho laka ni ku ni swala.”

“Kono kuna ni litau fahalimu fani!”

173 “Hakuna taba haibile fela Uteni fakaufi, hakuna shutano ni yekana. Ni sweli kuzamaya hamoho ni Wena.”

“Kuna ni butata fahalimu fani, kuna ni macwe a telela.”

174 “Ha ni bilaeli, haibile fela Usweli lizoho la ka, Ni ka zamaya hamoho ni Wena. Ni ka zamaya hamoho ni Wena.”

“Oh, kana mwa ziba? Bo Ndata ho neba ezanga cwalo, mwabona. Seo ki sesinde. Eeni, sha.”

175 Kupahama fahalimwa lilundu fani. “Oh,” Ki hali, “Kana wa ziba, Ndate? Mwana hao wa mushimani uswana fela inge siemba sa lisitina la kale. Yena luli u cwalo, ona cwalo inge Wena. Linzwi Kaufela leo U bulela, u bulela kuli ‘amen’ ku Lona. Neni—Neni li ni yena hana apula Bibebe zazi leliñwi, mi Ya bulela kuli, ‘Jesu Kreste wa swana maabani, kacenu, ni kuyakuile.’ Wa ziba sa na bulezi? A huwa ni kunepela mazoho a hae mwa halimu, mi ali, ‘Haleluya! Amen!’ Oh! Mi U ziba kuli Ibulela mo kuli, mwa—mwa Linzwi la Hao, Wa ziba, fo U bulezi kuli, ‘Misebezi, ya lumela ku Na, misebezi ye Ni eza uka ieza ni yena?’”

176 “Eehe, Na hupula hane ni ñolezi Sani ku mwana Ka. Eehe, Na hupula hane ni ñozi Sani.”

177 “Oh, mi haba boni sani, ki ha huwa fela ni kutulela mwahalimu ni fafasi, kuhuwa kuli, ‘Haleluya, Mulena. Zwisa lifasi kaufela ku na. Aku ni bupe kuba ya Cwalo!’ Eeni, Sha. Ni lika zani kaufela za ezize!”

178 “Oh,” Ndate abulela kuli, “Ni—Ni tabile ka mwana yo. Yani ki mwana yomunde. Ku lukile. U mu tokomele fa lilimo nyana, ubone mwa ka—ubone mwa ka hulela, ni mwa sweli kuzwelapili mwa lika.” Kasamulaho wa lilimo nyana. “Usweli kuhula cwani?”

179 “Oh, mawi, mane usweli kuhula mwa sishemo! Oh, mawi! Yena fela. . . Yena usweli kulemaka likota. Na Ku bulelela, yena—yena luli. . . Kiñi, usweli kunga lingu zani, wakona ku li babalela inge—inge fela Mo ezeza. Hana kulifa bucwani bwa mwa liwate. Hana kulifa bucwani bwa lisipi. Ha li taha fakaufi, kuli ‘lu bata kuikopanya kwa keleke’; u bulela kuli, ‘Kuza usike wa bulela, hautokwi sani! Batili, sha. Ki se so tokwa, “Mubake mi mukolobezwe, mañi ni mañi, ka Libizo la Jesu Kreste, kwa swalelo ya libi za mina. Mu ka amuhela mpo ya Moya o Kenile.”’ Eeni, Sha, ki se sa na bulezi.”

“Oh, kana luli ubulela ona cwalo?”

“Eeni, Sha, yena luli ueza cwalo.”

“Kihande, ona cwalo fela kona mo ne Ni Li ñolezi.”

“Ona cwalo fela kona mwa Li bulelela. Hum! Eeni, Sha.

180 “Babañwi ba bona bali, ‘Mu libelele mwa muleneñi wa Jerusalema kufitela mutazwa ka mata a zwelela kwa Lihalimu. Kuzwa nako yeo Moya o Kenile hautaha fahalimwa mina,



mukaba lipaki za Ka mwa Jerusalema, Judea ni Samaria, ni libaka zeli kwa mafelelezo a lifasi.’ Ha na balile sani, ahuwa kuli, ‘Haleluya, sani kona se mutokwa!’ Mwa ziba sa eza? Utilisa fafasi cwalo kufitela ba ikungela Zona, kipeto, upila hande ni zona.

<sup>181</sup> “Mi haiba bakala kukanana, u li, ‘Whoop, whoop, whoop, libelela fa muzuzu, libelela fa muzuzu. Cwalo kona lipuli mo li ezezanga, isiñi lingu. Mwabona? Mwabona?’ Oh, fokuñwi za mu nyemelanga, kono mufuta wa ku nata natiwa fa mukokoto nyana kwani, uli, ‘Libelela fa muzuzu, sh-sh, sh-sh, sh. Ku lukile.’ Yena luli wa ziba mwa ku zamaiseza lingu zani. Eeni, Sha, Na Ku bulelela.

<sup>182</sup> “Wa ziba kana? Ni boni Bishopu yomuhulu wa *Kuli-ni-kuli* yana mu bulelela kuli ‘asike kutaha mwa tolopo ye ni kutoba ni mukopano.’ Kono, Mwa ziba, Ne ni mu etelezi, Na li, ‘Zamaya nihakuli cwalo.’ Mwabona? ‘Mubuluke matepu aa, mi musike mwa a lekisa.’ Seluya ni teni! Lwaya mwa litolopo zeliteni kwanu, ali, ‘Kihande, haluna kusin- . . .’

<sup>183</sup> “Mi kana Wa ziba, diabulosi afita kwani, ali, ‘Ni sepa kuli kambe No ka mu leleka mwa tolopo yani.’ Se nili, ‘Hanikoni kueza cwalo. Haiba Ni mu bulelela kuli azamaye, uka ya. Ni sepa kuli na ka ya.’ ‘Batili, batili, batili, batili, batili, Ni ka mu bulelela. Ni ka shetumuka ni bulele kuli, “Cwale, babeleki baka kaufela, kaufela mina muka kopana hamoho. Hamutabeli kuli bufitelizi bwa tumelo bwani bu be teni kulo kwani, ona foliso ya Bumulimu yani ya kale kaufela ni za Moya o Kenile zani. Zene zamaile ni baapositola lilimo za kwa mulaho. Muziba kuli zeo ha ki zende, kwamulaho kwani.” Kulika kubafa bucwani bwa kale bwa lisipi bwani, lika kaufela ona cwalo. Bona . . .

<sup>184</sup> “Kono, Wa ziba kana, aya teni nihakuli cwalo. Azwela kwateni ona cwalo ni kukala kuyumbela lico za bucwani bwa likomu, kuzwa . . . Mi kana Wa ziba, lingu zani za kala kuca, lisweli kuya linuna ka mo likonela. Eeni, Sha. Habanze baba ni kufoliswa ni mikopano ni, Wa ziba, buñata bwa mitangana ya sanana yani ikalile. Kiñi, liboni haiba sikwata sesituna sa lico inge bucwani bwani. Wa ziba se li ezize ni sona? Neli zende hahulu kufitela liya ku bo muyaha mabapa, kuli, ‘Amutamune Se! Amutamune Se! Amutamune Se!’ Mwabona, maikuto a sibaka kwani na utwahala fela inge kwanu. Ki Se fa ona fa. Ona fa ki Se, mwabona. ‘Fela ki kubaka fela, mañi ni mañi wa mina, mi mukolobezwe ka Libizo la Jesu, mwabona, muamuhele Moya o Kenile. Ki za ya lata kaufela, ha tahe, ha tahe kwanu mi abone se ibulezi Bibe.’ Mwabona? Mi basweli fela kuba ni nako yende kulo kwani.”

<sup>185</sup> “Oh, yani ki yena mwana Ke! Yani ki yena mushimani wa Ka. Kihande, Unahana kuli u hulile hande?”

<sup>186</sup> “Eehe. Luli ku cwalo,” kwa bulela Moya o Kenile. “Ni mu file litatubo. Mushimani, Ni mu likile ka nzila *ye*, ku mulika ka nzila

*yani*. Ni mu natile fafasi, ka kukula, Ni mu beile mwatasi. Ni mu hatile, Ni tuhelezi diabulosi kuli aeze lika kaufela za kona kueza, akuta hape. Utile fela ona cwalo ka kuswana. Mwabona, azuha hape. Ni mu kulisize. Ni ezize *se*. Ni mu kenyize mwa sipatela. Na muzwiseza kwande kwanu Na eza *se*, Ni ezize *sani*. Na eza kuli musala hae amu fetuhele, Na eza kuli muyaha mabapa ni yena a mu fetuhele, Na fetaula lika kaufela. Sani ne si sika panga ni shutano ifi kaufela. Ali, 'Ni ha Ka ni bulaya, niteni Ni ka Mu sepa.' Na bulaya lubasi lwa hae. Na amuha *se*, Na eza *se*, Ni ezize *se* kaufela, Ni ezize *se, sani, sesiñwi*. Kono niteni u sa yemi hande, 'Ni Ha ka ni bulaya, niteni Ni ka Mu sebeleza! Ki waka!'"

187 "Oh! Kihande, Ni lumela kuli Lu lukela ku mubizeza kwande kokuñwi kwa sibaka nyana sesi butokwa sa kuañuliwa."

188 Cwale, mi bo ndate, mwa Testamente ya Kale, ni utwisisa kuli mwana hae wa mushimani na sa hulile, mi na sa tisizwe hande kwa kuañuliwa. Kutaha foo! U pepilwe ali mwana wa mushimani, kono, hali mwana wa mushimani ona foo. Kono he hana kuba fela mwana, kuba fela mwana ona cwalo, kufitela a hula ni kubonisa seo ali sona. Mi, wa mubiza ka nako yeo.

189 Cwale ki luna ba fa, keleke. Kikuli muitukisize? Cwale seli busihu luli, mañi ni mañi munyape munwana wa mina, munyape moyo wa mina, mi mukumule lipilu za mina, fa muzuzu fela. Mwabona? Cwale luka tomahanya keleke. Cwale keleke haifita fa sibaka seo, U bulela kuli, "Bo Manasse, mina ki fa. Efraimi, wena ki fa."

190 Konakuli u mu isa mwa sibaka sesiñwi, mushemi ueza cwalo, mi u mu toma fa sibaka se si lumbile sina cwalo, mi uba ni mukiti, mi kaufela bona ba taha bukaufi. Mi u li, "Ni bata kuli mutu ni mutu azibe kuli yo ki mwana ke, mi Ni añuzi mwana wa mushimani kuba waka. Mi Ni bata kuli mañi ni mañi a zibe, kuzwa kacenu kuya kwapili, kuli libizo la hae. . . Na mu tinisa, sapalo sesinde. Mi Ni bata muzibe kuli libizo la hae ki lelinde halili fa pampili sina fela libizo laka mo libezi fateni. Ki mwana ke, Ni mu añula mwa lubasi lwa ka, nihali mwana ke wa mushimani kuzwelela kwa kupepwa kwa hae. Haibile u amuhezi Moya o Kenile, sa bile mwana Ke. Kono cwale Ni ka mubeza mwa sibaka hande sa puso ka swanelo. Sa hanisa sihanisizwe, sa lumele za silumelelizwe:

191 "Mi kaniti, niti, Ni li ku mina, hamukali kwa kota ye, hamukali kwa lilundu le, 'shimbuluka,' mi mu sa bilaeli mwa pilu ya mina, kono mulumela kuli se mukupile si ka ezahala, mwakona kuba ni se mu bulezi." Mwabona? Kifo he cwale; kifo he cwale. Mwabona? "Ki mwana Ke." Ki babakai baba ziba kuli kuañuliwa, kuli ne. . . ba añula mwana wa mushimani kasamulaho amano bonisa kuli ki. . . Mañi ni mañi kaufela yakile abala Bibebe, ka za kutomahanya kwa mwana wa mushimani.

<sup>192</sup> Cwale, Mulimu na ezize nto yeswana ku Mwana Hae ha Na isize Jesu fa Lilundu la Petuho. Na ngile Pitrosi, Jakobo ni Joani kupahama fahalimu fani, zani ki lipaki zetalu fa lifasi. Nekuna ni Jesu, Mushe ni Elia, ni Mulimu, fahalimu a lilundu. Ki bani inge bayemi fahalimu a lilundu fani. Mi, nto yapili mwa ziba, neba talimezi, mi Jesu afiwa kanya fapila bona. Kana ku cwalo? Ki babakai ba baziba kuli ao ki Mañolo? Ki sikamañi sa Na ezize? Na—Na Mu tinisize mwa sapalo sa kusa shwa. Mi ki hali, “Sapalo sa Hae sa benya inge lizazi.” Kana ku cwalo? Mi lilu la ba kwahela. Mi Pitrosi ni Joani ni babañwi, ba wa ka lipata. Mi ba talima, mi teñi ne ku yemi Mushe ni Elia, inze ba ambola ni Yena. Mi Mushe na sa shwile, ni ku pumbekwa mwa libita lene li sa zibwi ka lilimo ze mianda ye ketalizoho ka zetalu. Mi Elia na kwezi koloi kupahama Lihalimu, lilimo ze mianda iketalizoho kwamulaho. Whew! Kono ne ba sa liteni! Mi neba sweli kuambola ni Yena. Mwabona, Na ngile Jesu ku yo ba bona, ku yo bona seo nesili sona, kubona kwani, ku Mu bonisa lika ze. Mi ba ambola ni Yena, nebable ni ngambolo ni Yena.

<sup>193</sup> Mi Pitrosi atalima kwa mulaho nyana cwalo kanya ya zwa ku Jesu, ba bona Jesu fela, mi Linzwi lelizwa mwa lilu, mi lali, “Yo ki Mwana Ka yalatwa, mu Mu utwe! Libizo la Hae liswana fela sina la Ka cwale. Mu Mu utwe!” Kona cwalo, kuañuliwa, kamba bana baba tomilwe.

<sup>194</sup> Cwale, kwani kona ko Mulimu alika kuisa keleke ya Pentekota mwa Buka ya Maefese. Mwabona? Kana shangwe, kikuli mwa utwisisa? Luna ni kukwala kakuli seli busihu luli, mwabona, banana bakala kuozela. Mi Ne nibata kushetumuka fafasi kwa timana ye ona fa, kono ha Ni koni kueza cwalo, kufita fa—fa timana ya 13, mwabona, siemba sa mafelelezo, “baba swailwe ka sepiso ya Moya o Kenile.” Luka fita ku seo la Sunda, mwabona. Mutalime. Cwale, cwani, ki sikamañi se si lukenya mwahali, ni mo lu bulukiwa ka Se.

<sup>195</sup> Kono cwale kwa “sibaka,” uikutwa cwani? U mweli mwa Mubuso ka Moya o Kenile. Ki ba bakai baba ziba cwalo? Ku lukile. Nto yetatama, mu lukiselizwe kutaha kai? Kwa kuañuliwa. Seo ki sikamañi? Mu lukiselizwe kutaha kwa kutomahanywa.

<sup>196</sup> Oh, Kezeli Scott, Ni lumela kukli ku cwalo, uteni mo. Kana ha ki wena yanali kwandu kacenu? Ki tuto yesweli kupotoloha kokuñwi ni mwahala lifasi, mwahala libaka ze shutana za naha, Ni utwile ka zona, hahulu, kuli Jesu u fa lifasi, usweli kuzamaya mwa mubili, Utaha mwa sibaka mi ueza se. Bwani ki buhata! Moya o Kenile wa Hae uteni mo, mi Usweli kulika kutomahanya Keleke ya Hae, kuli abeye Keleke ya Hae mwa sikuka, kuibeya mwa Naha ya sepiso, kuli bakone kukena. . . ili kuli lila kaufela likone ku kashwezwa kwande.

<sup>197</sup> Bo Manasse habakoni kunga naha ye. Hani koni kuba ni sebelezo ya kufolisa haiba licika la...haiba li...Ni zwela kwande kwani ni yo kutaza kolobezo ka Libizo la Jesu Kreste, mi ni—mi ni mizwale ba tumelo ya mwa balimu babalalu bali, “Oh, ki wa kale wa ba Jesu Fela.” Mi ha Ni koni kuya kulo ni be ni foliso ya Bumulumu haiba licika la bona ba bulela kuli, “Foliso ya bumulumu ki yende,” kanti babañata ba bona baikola limakazo za Mulena mi bali, “Kihande, Na lumela Muzwale Branham ki mupolofita, kono haluboneni ni mi bulelela nto yeñwi. Haibile fela Moya u ku yena, mi usweli wa lemuha, ki mutanga wa Mulena. Kono Tuto ya hae ibolile, Haina tuso.” Kimañi yakile autwa za kubola koku cwalo? Ikana yaba za Mulimu kamba ha ki za Mulimu. Yeo ki niti. Ikana yaba kuli kaufela zona ki Mulimu kamba hakuna Mulimu mwateni. Cwalo kona mo liinezi. Kono cwale mukaba cwani ni zona? Bo Manasse habakoni ku li yemela, Efraimi hana kuyema mwa sibaka sa hae, Gadi hana kuyema mwa sibaka sa hae, Benjamine hana kuyema mwa sibaka sa hae, kaufela bona basweli kumata mata kwanu ni Mafilisita, ni kulyangana kaufela bona. Kana luka tomahanyiwa cwani? Kono luna lu pepilwe ka Moya o Kenile, kaufela luna. Kana ku cwalo? Lu pepezi kwa sikamañi? Lu lukiselizwe kale... Mi kasamulaho wa kupepwa, lu lukisezwa kwa kutaha mwa kuañuliwa, ili ku to beiwa mwa Mubili wa Keste. Mwabona se Ni talusa?

<sup>198</sup> Mubili wa Kreste ki sikamañi? Babañwi ki ba apositola, babañwi ki baplofita, babañwi ki baluti, babañwi ki babuleli, mi babañwi ki balisana. Kana ku cwalo? Lu bizelizwe ku zeo. Babañwi bana ni limpo za malimi, kutoloka malimi, butali, zibo, limakazo, kusebeza za limakazo, ona limpo ze shutana ze kaufela. Mi cwale ki sikamañi se ba eza? Ba ezize zeo ka bunyinyani fela. Sikamañi? Ha si tamuluhe fela inge se Ni sa zibi. Alimuñwi wa yema, ubulela ka malimi, mi yomuñwi uzwela pili, kubulela, “Blrr, blrr, blrr, blrr, blee” Uh-huh. Mukutazi inge akutaza fela, kubizeza batu kwa pili, mi yomuñwi wa yema, abulele ka malimi ni kuli “Haleluya, kanya ku Mulimu.” Haiba nji—haiba nji mukutazi uka zwelapili ni liñusa la hae, kakuli kuti utozizwe, konakuli sicaba si kali, “uwile kale mwa tumelo.” Mwabona, ki bakeñisa kuli ha ba si ka lutwa.

<sup>199</sup> Bible ibulezi kuli moya wa baplofita una ni ku utwela muplofita. Mulimu ha ki yena mukalisi wa kulyangana. Ha Ni yemi fa, kamba mukutazi yali mwatasa tozo ya Mulimu. Hakuna taba kamba ubata kubulela cwani ka malimi, uka libelela kufitela Mulimu afeza kwanu pili. Konakuli haiba u bulela ka malimi, hailukeli kuba za kukutakela fela Mañolo, kakuli Mulimu na bulezi kuli musike mwa itusisa za kukutakela fela. Kono ki liñusa le li ya hande ku mutu. Muni buze nako yeñwi, mu supe munwana wa mina fa nako iliñwi yeo Moya o Kenile ukile waba, mwatasa temuho, kubulelela mutu, kuli

akutakele Mañolo cwalo cwalo. No ba bulelezi nto ye fosahalile ni bona ye ba ezize, ni sika se ba lukela kueza kamba se si ka ezahala, kamba nto yeñwi ye cwalo. Kana ku cwalo?

<sup>200</sup> Kona mo kuinezi ni kubulela ka malimi ni kutoloka! Haiba kuba ni alimuñwi mwa keleke ya bulela ka malimi, mi yomuñwi atoloke, lubulele cwana. Mutuhele kuli Muzwale Neville ayeme mi abulele ka malimi, mi muzwale yo fa afe toloko, ali, “Bulelela muuna yo fa kuli maabani naile kulo mo ayo eza za na sa lukeli kueza. Cwale dokota umubulelezi kacenu kuli una ni kansa. Zamaya u bakele taba yeo, ukute kwanu mi ube hande ni Mulimu.”

Muuna yo ukali, “Luli, ki niti.” Fohe kipeto Mulimu una ni mina.

<sup>201</sup> Kono cwale luka li eza cwani ka nzila ye? Mwabona? Fela ki kuli, “Blmp, blrr, blrr, blrr.” Ka sipundumukela fela, ka nzila ifi kaufela, hakuna kutomanyiwa mwa sibaka nihanyinyani. Cwale sani ki . . . Mwabona, Maefese, ba lika . . . Mwabona, ba lyangani ku zona. Mwabona mo ba si lyanganiseza? Lu lukiselizwe kutaha kwa kuañuliwa kuba bana! Cwale ki babakai baba utwisisa se Ni talusa, mu nanule mazoho lizoho la mina. Kuañuliwa! Lu pepilwe ka Moya wa Mulimu, luli, lu amuhezi Moya o Kenile, ni kulila kuli, “Abba, Ndate! Haleluya! Kanya ku Mulimu!” Ki luna, yeo ki niti, luna lu bana, koo halukoni kufita kai. Halukoni kushapa Mafilisita.

<sup>202</sup> Mutalime ku Billy Graham ya yemi fani. Ni Mohammedan yani inga bulela kuli, “Mu Libonahalise.”

<sup>203</sup> Mutalimele ku Jack Coe ya yemi kwani. Ni mutu ya sa lumeli yani, ona keleke ya Kreste yani inge iswalana mwa mazoho ni ya sa lumeli kwani, ni kuswalana kwa lizoho. Ulukela kuba Mukreste, ni kuswala mwa mazoho ni diabulosi yaswana ni Joe Lewis, ni ya lukuluhile kwa minahano, mane neba ku konka Mulimu uize kuli “hakuna sika se sicwalo sina Mulimu, niteñi, ka kukala,” ni lika ze cwalo. Mi keleke yeipiza kuli ki keleke ya Kreste, kuswalana mwa mazoho ni yena, ni kulala neku la kulwanisa Muzwale Jack Coe. Kana lu ka eza cwani sika kaufela? Mi Mapentekota, buñata bwa bona, ba mulwanisa; kanti, mukutazi kaufela mwa naha ya luna na lukela kuyema hande-nde ni yena, ni kubulela kuli, “Mulimu, luma Mata a Hao fafasi.” Mwabona, ki luna bao, ko li sa koni kutomahanyiwa.

<sup>204</sup> Efraimi ha lati kuina. Alimuñwi wa bona ataha kwanu, lu fumana bo Manasse kona baba taha kwanu, bali, “Oh, mawi, Mulena uni file simu yende ya mbonyi!” Kipeto ki yo utaha kwanu, Gadi, uli, “Kihande, cwale, libelela fa muzuzu. Ni lukela kulima makonga, kono Ni ka lima ni mbonyi hape. Haleluya!” Mwa bona? Hauna sa kueza ni mbonyi; limba makonga, makonga kona zo lukela kulima. Ha ulukeli kuta lingu ha ulukela kuta likomu. Mulimu ubata kutomahanya keleke. Kono mañi ni mañi

wa bona ubata kueza lika zeswana. “Haleluya!” Mi hakuna se mukona kuba bulelela ka zona. Batili, batili. Ba sa na ni sibupeho sa puli sani, “Butt, butt, butt, butt, butt, butt, butt.” Mwabona, hamukoni kuba bulelela. Yeo ki niti. Cwale, kana ha ki niti yeo? Mi hamukoni kutomahanya keleke. Mwabona?

<sup>205</sup> Keleke ilukela ku lukiswa ka kuañuliwa kwa kuba bana, koo muuna. . . Mulimu wakona kunga mutu ni ku mu añula ku mu kenya mwa lubasi, ni ku mufa sika. Sani, pili, mulike seo mi mubone haiba ki niti. Biblele ibulezi kuli mulike mioya. Mutu yo ha bulela taba, mu ilike mi mubone haiba ilukile. Haiba ilukile, mu zamaye ni yona. Mi muli, “Mulena, lu lumele nto yeñwi.” Muzwelepili ku zamaya, mwabona, muzwelepili fela kuzamaya kufitela mutu ufi kaufela afumana sibaka sa hae. Fohe kipeto mu kabona keleke ya Mulimu ikala kuba mwa sibaka sa yona. Mi cwale Mafilisita ba kaya kwa ku liyemela. Tuputula tu ka tubuha, milili ika kutiwa kwateni, lifateho li ka tapa; makwai aka tondahala. Yeo ki niti. Mi keleke haikala kukena mwa Mata a yona amatuna, haluna ni bo Ananiasi ni bo Safira, ni babañwi ba bona. Eeni, sha. Muka bona haiba Keleke ye kenile yani iyemi hamoho mwa Mata a Hae, inze itomilwe hande siba bana ba Mulimu, baba añulezwi mwa lubasi lwa Mulimu, Keleke ye mata inge iyeme fani mwa kanya ya yona. Oh, sani kona Sa tahela.

<sup>206</sup> Mwabona butelele bwa fo lu fitle, mizwale? Mane hamukoni ku zamaelela hamoho ka Mañolo. Mi mutu ufi kaufela, mutu kaufela ya sa koni kubona kolobezo ya mezi mwa Biblele, ka Libizo la Jesu Krete, yo ikana yaba kuli ki sibofu kamba kuna ni se si lyangani mwa toho ya hae. Yeo ki niti. Mi ona foo kona fo kuna ni ndwa yetuna.

<sup>207</sup> Nika—Nika bulelela mutu ufi kaufela yaka ni tiiseza Liñolo lifi kaufela koo mutu ufi kaufela akile a kolobezwa ka libizo liseli kwanda Libizo la Jesu Krete, mwa keleke yenca. Kamba, haiba akile a kolobezwa ka nzila isili kaufela, nana ni ku kolobezwa sinca hape ka Libizo la Jesu Krete, kuli a amuhele Moya o Kenile. Mutahe mu to ni bonisa. Hakuna nto ye cwalo. Hakuna tumo ye cwalo. Kanti Jesu na bulezi fa kuli, “Muye cwale mwa, mulute macaba kaufela, muba kolobeze ka Libizi la Ndate, Mwana, ni Moya o Kenile.” Ndate, Mwana, kamba Moya o Kenile, hakuna nihaiba lililiñwi lelili libizo foo, hakuna ni lelikana. Pitrosi a sikuluha, kasumulaho wa mazazi a lishumi, ali, “Mubake, mi mukolobezwe, mañi ni mañi wa mina, ka Libizo la Jesu Krete, kwa swalelo ya libi.” Mi kai ni kai mwa Biblele.

<sup>208</sup> Mi hape nekuna ni babañwi bene ba kolobelizwe kwani, ka nzila isili fela, ka Joani, neli fela kwa kubaka. Paulusi ali, “Muna ni ku kolobezwa sinca hape. Mu lukela kutaha hape.”

<sup>209</sup> “Oh, kono lu kolobelizwe ka muuna ya kenile, Joani. Yena yana kolobelize Jesu.”

210 “Ku lukile, ye kona Evangeli. Wo ki Moya wa Mulimu o lukela kupatululwa ku na. Ni mu apositola wa Mulena, mi haiba lingeloi lelizwa kwa Lihalimu lika kutaza nto isili fela . . .”

211 Haluboneñi ni bale seo. Bibeles iize, “Haiba ling- . . .” Paulusi naize, “Haiba lingeloi lelizwa kwa Lihalimu neliika bulela nto isili fela,” bishopu, bishopu yomutuna, pope, mutoneli, kaufela seo akona kuba sona, “haiba uka kutaza sika sisili fela kwanda Se ili seo Ni kutalize na ku mina, yo abe anatema.” Hakuna ni . . . Haluna lizo ze cwale ka zeo. Batili, sha. Mina fela . . . Fela hakuna sika se si cwalo. Mina, luna . . . Mi kipeto—kipeto, mwabona, kiñi batu ha ba sa boni seo? Kiñi batu habasike—habasike, habasike kulumela seo? [Yomuñwi mwa kopano uli, “Kulukiswa”—Mu.] Mwabona? Kuna ni ya bulezi fela hande foo, Gene. “Kulukiswa,” luli. Kiñi? “Kaufela ba Ni file Ndate bona bao” (sikamañi?) “baka taha ku Na.” Ha ki kuswanela ni koo! “Kaufela ba Ni file Ndate ba ka taha, baka taha ku Na.” Ki butata mañi bobuli ni na, se ni lika kufumana faa? Ki luna ba faa. Ku lukile.

212 Halu boneñi ni bale fela timana ye mi Ni ka mi bulelela seo Paulusi, zona lika . . . Liñusa le liswana luli le Ni kutaza busihu boo, ki se fa sa na bulela Paulusi ka za kulukiswa, ka za kolobezo ya mezi ka Libizo la Jesu, kolobezo ya Moya o Kenile, tomahanyo ya mwa keleke, ni zeñwi cwalo. Ki se fa sa na bulezi.

*Na komoka (ubulelela Magalata) ha mu keluhile kapili kuzwa ku ya mi bizelize kwa . . . sishemo sa Krete . . .*

Ni mi swabezi hahulu, mwa manzwi amañwi, kuli lumelelize mutu usili ku mi lyanganisa kuzwa ku Sani, *kuya kwa evangeli isili:*

*Ili mane ha ki isili; kono kuna ni babañwi baba mi kataza, mi batibela evangeli ya Krete, batibela Evangeli ya niti ya Krete.*

213 Kono mutalimele. Cwale, muhupule, neli Paulusi yana susuelize mutu kaufela yana si ka kolobezwa ka Libizo la Jesu Krete, kutaha kuli ba kolobezwe sinca ka Libizo la Jesu Krete. Ki babakai baba ziba kuli yeo ki niti? Ki babakai baba ziba kuli neli Paulusi yana bulezi likunutu ze patilwe haisamba lifasi litomwa, mi za patululwa ku yena, kuli ne lu leliwle kale kuli lube bana, mi, lutahe kwa kuañuliwa. Neli Paulusi. Mutalime fa sa na bulezi.

*Kono ni ha ne ikaba luna, kamba lingeloi lelizwa kwa lihalimu, likutaze evangeli isili ku mina kufita ye lu mi kutalize, abe anatema.*

214 Fela musike mwa bulela kuli, “Ha ni lumelani ni wena, muuna.” Yo abe fela anatema. Haluboneñi ni bale timana yetatama.

*Sina ha lu bulezi sapili, Ni sa tiisa kubulela cwalo hape, haiba mutu ufi kaufela ukutaza evangeli isili ku mina kufita ye lumi kutsalize kale, yo abe anatema.*

215 Yeo ki niti. Cwale, muzwale, kezeli, haiba neli Mulimu zazi leliñwi, mi Nina—Nina ni sepa kuli ha ni bi wa kashwau, ya ni tusize kubona nto yenyinyani ye. . . Cwale, Ni ba ya tabile; Hani sepi kuli Ni ba ya tabile, Niba fela ya fuyozwi mwa kukutaza. Niba ya lyangani mi Ni mi buluka mo ka nako yetelele kufitela Ni ziba kuli mwa ozela ni kukatala. Kono, oh, Na. . . Haiba mina—haiba fela ne muka ziba mo Ni batela kuli muyofita kwani! Mwabona? Mi cwale Na, sina sapili Ni bulela se hape, mi ha Ni. . . ha Na ize kuli. . . Ni ize, “Ne ika eza. . .”

Na bulezi kuli, “Kana utabela kubona seo mafelelezo ali sona?”

216 Mi Na talima kwamulaho ni ku ipona inge ni lobezi fa mumbeta fani. Kaniti mu ni zibile fa nako yetelele kuli muzibe kuli—kuli—kuli Ni mi bulelela Niti. Ni bata ku mi buza nto yeñwi, sina Samuele hana bulezi ba si ka toza kale Saule, kuli kana Ni kile na mi bulelela sika kaufela ka Libizo la Mulena kwanda se sibile niti? Kana ku cwalo? Li bile niti kamita. Kana Ni kile na mi kupa masheleñi kamba sika kaufela se si cwalo? Batili, mwabona, Nali kuba shangwe. Kana Ni kile naeza sika kaufela kwanda kulika zende ze nikona ka ku miisa ku Kreste? Luli.

217 Cwale babata kubulela kuli Ni nahanela mihupulo ya babañwi, mwa ziba, mutu yakona hahulu kunahaniseza mibonelo ya babañwi. Kakuli, lika zani lina ni kutaha, Bible ibulezi kuli lika eza cwalo. Sina Jambresi ni Janise hane ba lwanisize Mushe, neba ezize lika zeswana ni za na ezize Mushe, kufitela litaha fa kangisano. Yeo ki niti. Kono muhupule, Jambresi ni Janise nebase koni kufolisa. Nebase koni kufolisa. Neba kona kutisa likoto, kono isiñi ku li feza. Mwabona? Ku lukile. Cwale, Mulimu ki Mufolisi. Linzwi la Mulimu lisiyala lili Niti.

218 Ni likile kuba ya sepahala ni mina. Ni likile ku mi bulelela Niti. Ni—Ni. . . mwendi seli lilimo ze mashumi amalalu ni silisiñwi, Ni yemi fa katala fa, kuzwa ni kutaha, seli myaha ye mashumi amalalu ni ulimuñwi, mi zazi leliñwi nikabe ni silezi mwabuse kwa Kanya kwatuko ni katala ka. Kubile mufumahali, mwana musizana, ndate, muzwale, kaufela bona ba pumbekilwe kwabuse kwani, balikani babande. Ni boni makwati a bona ni lipalisa zali kubeiwa fateni. Mi ni ziba kuli zazi leliñwi laka likaba teni, nina. Cwale, yeo ki niti. Kono ka kusepahala, kuzwa mwa pilu yaka kaufela, Ni mi bulelela ka pilu yaka kaufela, Ni lumela kuli Ni kutsalize ku mina Evangeli ya niti ya Mulena Jesu Kreste. Ni lumela kuli mwa lukela ku kolobezwa, mañi ni mañi wa mina, ka Libizo la Jesu Kreste, mi muamuhale kolobezo ya



Moya o Kenile. Mi musaeza fela cwalo, uka tisa ku mina tabo, kozo, pilutelele, bunde, kuishuwa, musa, tibebelelo, tumelo.

219 Mi ka zazi leliñwi, sene si ezahalile ku na kakusasana wani, Ha ni zibi. Ha nikoni kubulela kamba Nenili mwahala mubili waka wo mi kipeto se ni bona fela pono, kamba kana Neni ngilwe kuisiwa kusili kuzwa fa, kuya kwani. Ha ni zibi, Ha nikoni kubulela. Nto fela ye Ni ziba, ki kuli Ne—Ne ni saba kushwa, ona sibaka nyana sani sa buhazo. Kono ne ni sa sabi kuli Jesu hana ku to ninga, cwale, Ne ni sa sabi zeo, kakuli Ne—Ne ni sa sabi zeo; kono ha Ne ni ka mi katana ne ni kaba fela mbundu ye fufa mwa halimu. Kono Na bona cwale. Mi ha Ni bona sicaba sani, neli batu sakata. Mi nebali sicaba bene ba pila ni na nako yeñwi fa lifasi, mane nihaiba yena musala ka wa pili. Na si musala ka, nali kezela ka. Na si ka ni biza kuli ni muuna hae, na ni bizize kuli muzwale ya latiwa. Nekusina kukopana kwa muuna ni musali, hakuna maikuto a mufuta wani, hakoni kuba teni; neli fela kupetahala, neli munati nati fela, neli kupetahala.

Na hakanyeha, Ha ni zibi, Na hakanyeha: Kana sani kona sa na boni, asika siya kale lifasi, fani hanali mwa sipatela kwabuse kwani, hane Ni mu bizize? Mi ki hali, “Billy, u kutalize fateni, ubulezi ka zona, kono,” ki hali, “ha uzibi mo liinezi.” Ki hali, “Hanisana takazo ya kuina hape.

220 Hani zibi haiba cwalo kona mo liinezi, ka bumulimu bwani, muuna muhulu ya tozizwe F. F. Bosworth, yana yemi fa katala fa, yana kutaza hamoho ni na mwa libaka zeshutana za lifasi. Muuna muhulu F. F. Bosworth, kaufela mina, cwalo luli, ne mu muziba; wa bumulimu, muuna muhulu wa bumulimu. Lihola zepeli kwamulaho, kihande, mwendi biki iliñwi kamba zepeli asika ya kale, Na ya ku yena mi na nza lobezi cwalo fani, mane, bukaufi ni kufita fa lilimo ze nainte za kupepwa. Mazoho ahae a manyinyani aotoloha, toho ya hae yenyinyani ya sitenda ni mahaha kwa sifateho sa hae. Na swala muuna yani mwa mazoho aka mi Na huwa, “Ndate, ndate, likoloi za Isilaele ni bapahami ba zona.”

Kakuli haiba kukile kwaba muuna yana yemela Mapentekota neli muapositola wa pili, neli F.F. Bosworth, ya kenile, ya namile, wa Evangeli yetezi luli, mwabona, neli Bosworth. Mi ha Ni muswala mwa mazoho aka, mi Na huwa, “Ndate, ndate, likoloi za Isilaele ni bapahami ba zona.”

221 Ki hali, “Mwana ka, ube mwa simu.” Ali, “Ufite babañwi ba micaha ya kwa libaka lisili, haiba ukona, ba si ka ba kale ni kufiteleza kwa tumelo kulo kwani. Ba iseze Evangeli yaniti yani ye unani, mwana ka.” Mi ali, “Bulumiwa bwa hao ha bu si ka kalisa kale mo bulukela kubela.” Ali, “Wena u mu Branham yomunca.” Ali, “Usali yomunyinyani, mwana ka.”

Se nili, “Muzwale Bosworth, Nina ni lilimo ze mashumi amane ni ze ketalizoho ka zetalu za kupepwa.”

222 Ki hali, “Ha u si ka kalisa kale mane.” Mi ali, “Usike wa lumeleza kuli bakutazi ba sanana ba Mapentekota bani bafite kwani ni bukuba bwani, mi ba yo sinya lika ka sifanu, ni kunga ba—ba baika ba ni naha kaufela ku Li lwanisa wena usika fita kale teñi.” Ali, “Zwelapili cwalo, Muzwale Branham, zwelapili ni Evangeli yo nani.” Mi ali, “Ni—Ni lumela kuli u muapositola, kamba mupolofita wa Mulena Mulimu wa luna.”

223 Na mu talimela, Na mu kumbatela mwa mazoho aka. Na li, “Muzwale Bosworth, Ni bata kuku buza puzo. Ki ifi nako yo kile waabela hahulu ya . . . nako ya . . . mwa lilimo kaufela zo kutalize?”

    Mi ali, “Ki yona ye cwale, Muzwale Branham.”

    Se nili, “Kana wa ziba kuli wa shwa?”

    Ki hali, “Hanikoni kushwa.”

    Se nili, “Kisikamañi . . . Kikabakalañi ha u bulela kuli ye ki nako ya tabo yetuna hahulu mwa bupilo bwa hao?”

224 Nekuna ni sikwalo sesi nyinyani. Mi ali, “Ni lobezi fa ni toho yaka italimezi kwa sikwalo. Ka muzuzu ufi kaufela, Yena ye Ni latile, ni Yena ye Ni kutalize za hae ni ku mu yemela, ona li . . . bupilo bwaka, U ka taha fa sikwalo sani kutela na, mi Ni kaya ni Yena.” Na mu talimela, Na hupula kuli, Ne—Ne ni bonahala kuswana inge mo ne Ni ka bela ku Abrahama, Isaka, kamba Jakobo.

225 Na swala lizoho la hae, se Nili, “Muzwale Bosworth, bubeli bwa luna lulumela Mulimu yswana, lulumela lika zeswana. Ka sishemo sa Mulimu Ni ka kutaza kufitela kubuyela kwaka kwa mafelelezo kuzwa mwa mubili wa ka. Ni ka pila ya sephala ku Mulimu ka mo Ni zibela mwa kupilela. Hanina kukeshebisa fa Evangeli kwa neku lifi kaufela kamba kwa sibaka sifi kaufela. Ni ka pila ka niti mo Ni zibela kupilela cwalo. Muzwale Bosworth, Ni ka ku katana mwa Naha yende ko usike kuba mwanana . . . kamba kusaba mucembele ni kamuta, kono mwanana.”

226 Ki hali, “Ukaba teni kwani, Muzwale Branham, usike wa bilaela.”

227 Mi hola iliñwi kwamulaho, liholo zepeli asika shwa kale . . . mwendi likweli zepeli kasamulaho, Na hupula kuli kona fa na shwela fani, musalaka ataha ato mu bona (kamita nanza nahana hahulu ka yena), mi ni musala Bo. Bosworth. Mi mwendi ka liholo zepeli na lobezi, kulobala. A to nanuha, atalima, mi atula kuzwa fa mumbeta wa hae. Ki hali, “Ima, kihande, Hani si ka mibona fa lilimo limo! Tate! Muzwale Jim, kiñi,” ali, “halu boneñi, noli alimuñwi wa bene ni sikululezi ku Mulena, kwa Joliet, Illinois.” Na sa shwile ka lilimo ze mashumi aketalizoho. Mwabona? Eeni! Ki hali, “Ki wena Kezeli wa *Kuli-ni-kuli*. Eeni, Ne ni kuisize ku Mulena kwa—kwa mukopano wa mwa Winnipeg. Eehe. Kiñi, ki yo Kezeli wa *Kuli-ni-kuli*. Ha ni si

ka kubona wena . . . Eehe, mwabona, no tile ku Mulena ka nako ya *kuli-ni-kuli*.” Mi ka liholo zepeli zekwanile aswalana mwa mazoho ni bao na tisize ku Mulena. Akutela fa sibaka sa hae, mi aina fafasi, aputa mazoho a hae, mi atimela ona cwalo. Kana Muzwale F. F. Bosworth na keni mwa Naha yani yana ni bonisize Jesu busihu bobuñwi? Haiba ku cwalo, uteni kwani ali mucaha fela busihu bo. Mulimu apumulise moyo wa hae. Mi Ni pile ka kusepahala kuli Ni yo kena Naha yani. Mi Nibe ya sepahala luli nili—nili mutanga wa Kreste!

<sup>228</sup> Ni swabela bupilo bwaka. Na swaba. Na—Na—Na . . . Haiba Ni ezize sibi fapila mina sicaba, mu—mu nani mulatu ha mu sa tahi ku to ni bulelela. Mwabona? Ni lika kupila ka kuluka mwa lika kaufela zeo Mulimu ani lumeleza kueza ka sishemo sa Hae. Mwabona? Mwabona? Kono, mutalime, balikani, muna ni mulatu haiba kuna ni se mu ziba kuli si fosahalile mwa bupilo bwaka, mutahe mu to ni bulelela cwalo. Mi, mutalime, Nina ni mulatu ku mina wa kuyema fa ni ku kutaza Evangeli ya niti. Nina ni mulatu o cwalo ku mina, kakuli Ni kulubela kubona yeñwi ni yeñwi ya lifateho za mina, micaha ni basizana, kusila fela museto wani mwabuse. Ki kubuyela fela kulikuñwi mwahala fo muinzi cwale ni kwani. Cwale, yeo ki niti. Si teñi.

<sup>229</sup> Mi cwale Mulimu wa sishemo kaufela, yena Mulimu wa Lihalimu, kusina kuba ni kashwau, kono ka likute, “Papa,” ka lizazi lelituna lani haluka yo yemiswa kwanu ni kuba ni mibili yaluna ya lifasi hape, kuli lukone kunwa, ni kuca magilepu ni muselo wa naha. “Ba ka yaha mandu mi basili habana ku a yola. Ba ka cala masimu a veine mi basili habana ku ca kwateni.” Mwabona? Mutu alimuñwi ha cala simu ya veine, mwana hae uka iyola, mi hape ni yena mwana hae uka iyola, ni wa hae. Kono isiñi mwa taba ye; uka ilima ni kupila mwateni. Mwabona, yeo ki niti. Lukaba kwani kuyakuile. Mi cwale, mwa Naha yani, Ni be ni yo bona mañi ni mañi wa mina.


<sup>230</sup> Mi Ni ziba kuli Ni ambola fa mane ni kwa baktazi ba tumelo ya balimu babalalu. Mi, mizwale baka, Ha ni buleli se—Ha ni buleli se ka ku holofaza fela. Nina ni wa tumelo ya balimu babalalu, shangwe, Ni lumela mwa bulalu, milelo yemilalu ya Mulimu (Ndate, Mwana, ni Moya o Kenile), kono isiñi Balimu babalalu. Mwabona? Ni lumela kuli kuna ni milelo yemilalu, kaniti luli, Ni eza cwalo ka pilu yaka kaufela, “Ndate, Mwana, ni Moya o Kenile,” kono ha ki Balimu babalalu. Fela ki zetalu mwa milel- . . . kamba ki liofisi zetalu za Mulimu. Mulimu na pila nako yeñwi mwa kalulo ya Bushemi, Bwana, mi cwale ki mwa Moya o Kenile. Ki Mulimu yaswana mwa liofisi zetalu. Mi bana ni . . .

<sup>231</sup> Mi Ndate, Mwana, ni Moya o Kenile, leo mane ha ki Libizo la Mulimu. Mulimu una ni Libizo lililiñwi, mi Libizo la Hae ki Jesu. Bibeles ibulezi kuli, “Lubasi lwa mwa Lihalimu lu biziswa ka libizo la Jesu, mi ni lubasi lwa mwa lifasi lu biziswa Jesu.” Yeo ki niti. Kacwalo Mulimu nana ni Libizo lililiñwi, Libizo la

butu. Nali yena . . . nana ni libizo la kuli Jehova-jaire, Jehovara-  
rafa, ani neli malumbatina a Hae a Bumulimu. Kono Nana ni  
Libizo lililiñwi, Jesu! Mi yani ki Yena.

<sup>232</sup> Mi kaniti, mizwale baka, haiba mu ni kananisa, muhupule,  
Ni—Ni—Ni ka mi katana kwani, niteñi. Mwabona? Nika—Nika  
ba ni mina kwani. Mi Mulimu ami fuyole. Mi Na mi lata.

<sup>233</sup> Mi Ni bata keleke kuli ihupule cwale, la Sunda kakusasana  
lu ka kalela fa mi Ni ka lika ku sa mi buluka nako yetelele  
kufitelela tu kiloko, ili kuli lukone kuba ni mukopano wa  
musihali, haiba lukona kueza cwalo, mi haiba Ni eza fela sina  
mo Ni ezelize busihu boo, teni seti. Kana mwa ni swalela?  
Balikani, haluna nako yeñata yesiyezi, mulatiwa. Ni—Ni mi biza  
“mulatiwa” kakuli mu cwalo. Mina—mina mu balatiwa baka.  
Mwa ziba kana? Halu . . . Ki le Liñolo lelitile. Paulusi ali, “Na  
mi fufabela (Keleke ya Hae) ka lifufa la bumulimu, kakuli Ni  
mi beelelize.” Kifo he cwale, sani kona se si lukile. Yeo ki niti.  
“Kakuli Ni mi beelelize, ku mi kopanya ka libato ku Kreste,  
sina mwalyanjo yasina litaba.”

<sup>234</sup> Cwale, haiba sani neli sa niti ka zazi leliñwi, naize kuli . . .  
Bona, sicaba sali ku na, sali, “Jesu uka taha ku wena, mi wena  
uka luisa ku Yena,” kuba mwalyanjo yasina litiba. “Ba ka atulwa  
ka Linzwi lona lo kutalize kubona.” Mi, mutalime, haiba Ni  
kutaza ku mina ona cwalo sina Paulusi mwa na kutalelize kwa  
keleke ya hae, haiba sikwata sa hae si yo kena sa luna ni sona si  
ka yo kena, kakuli luna ni sika sesiswana. Amen. Ha lu inamiseñi  
lito ho zaluna cwale halunze lubulela kuli, “Mulimu ami fuyole.”  
Cwale . . . ? . . . mulisana wa luna ya lateha, Muzwale Neville. 

*KUAÑULIWA* 2 LOZ60-0518

(Adoption 2)

MUKOLOKO WAZA KUAÑULIWA

Liñusa le ka Muzwale William Marrion Branham ne li kutalizwe lwa pili mwa Sikuwa la Bulalu manzibwana, Kandao 18, 1960, ili fa Branham Tabernacle mwa Jeffersonville, Indiana, U.S.A., liingilwe kuzwa fa tepu ya magesi ya manzwi kusina ku zusa sika mwateni ku ya Sikuwa. Toloko ye ya mwa Silozi i hatizizwe ni kuhasanyiwa ki ba Voice Of God Recordings.

LOZI

©2019 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)

## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa mashelēni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)